



BODOSA ★ A Bodo News Daily ★ Sunday ★ 24 March, 2024 Kokrajhar, BTC, Assam ★ Vol.- 34, Issue No. 1 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs.8/-

दिनै सानसेयारि बड'सा खौरां लाइनि गाइसन्थाइ सान

थामजिब्रै बोसोराव सानसेयारि बड'सा खौरांलाइ

खौरांलाइ गेजायै बर'फोरनि गेजेराव ओन्सोलनि, राइज्योनि, हादतनि आरो मुलुगनि खौरां फोसावनायनि थांखिजों लोगोसे हारिनि राव-हारिमु गेवलांसार होनायनि असिलायै आरो हारिनि थामोन्थानि सोमावसारनायाव बाइदिनिना बिथिनि खौरां फोसावनानै हारियाव सांग्रांथि लाबोनायनि थांखियै थांनाय 1991 माइथायनि 24 मार्च अक्टयाव बर'फोरनि गेजेराव सानस्त्रियारि 'बड'सा' खौरांलाइखौ जोनोम होनाय जादोमोन। बेनि 16 बोसोर उनाव बर'फोरनो सानसेयारि

खौरांलाइनि गोनांथि जानानै फेनायाव 2006 माइथायाव सानस्त्रियारि खौरांलाइनिफ्राय सानसेयारि बड'सा खौरांलाइनि जोनोम जायो आरो दिनेसिम अन्थोर जयै ओंखारनानै हारिनि राव-थुनलाइ आरो हारिमु सिबिनायाव हानायसेबां बिहोमा होनो नाजाबोदों। दिने सानसेयारि बड'सा खौरांलाइनि बैसोया 34 बोसोर बैसोयाव आगान होबाय। सिगां समफोराव अन्सायारिफोरनिफ्राय जेरैबादियै अन्सायनाय मोन्नो हादों बेबादिनो इयुनावबो मोन्नो हागोन होन्नानै मिजिं थियाय।

नरेन्द्र मदिआ भारतनि मोनसे गोहो, बिथांखौ फेजेन्नो हानाय जेबो गोहो गैया: मन्थि उखाव गोरा ब्रह्म

70 जौखोन्दो भटजों जुथाय हान्जाया देरहागोन: जयन्त बसुमतारि

सालबारि, 23 मार्च: "नरेन्द्र मदिआ हादतनि मोनसे गेदेर गोहो। बिथांखौ फेजेन्नो हानाय जेबो गोहो गैया।" बे बाथ्राखौ बुडे आसाम सरकारनि केबिनेट मन्थि उखाव गोरा ब्रह्मआ। बाक्सा जिल्लानि सालबारियाव दिने इडपिपिएल दोलोनि कक्राझार लक सभा बियाबनि बिजाथि जयन्त बसुमतारिनि नुजाथिहेनायाव दोलोनि मावथि, बिजेपि, एजिपि दोलोनि मावथिफोरखौ लानानै खुंनय सावराय मेलाव मन्थि उखाव गोरा ब्रह्मआ बाहागो लानायनि उनाव खौरां बिजोनि सिगाइव बे बाथ्राखौ बुडे। बिथाडा बुं'बावोदि, नरेन्द्र मदिनि बोसरसारिनायाव दोलोआ



कक्राझार लक सभा बियाबाव बिसायख 'थि गेलेनो थियारि जादों। बिसायख 'थियाव गासै 70 जौखोन्दो भट लाबोनों नाजागोन आरो 9 लाख भटजों देरहानानै रेकर्ड खालामनो नाजागोन होन्नानै बिथाडा बुडे। बिथाडा बुं'बावोदि, जुथाय हान्ज्या माबोरै देरहागोन बेयो गिदिर बाथ्रा नड नथाय बेसेबां जौखोन्दो भटजों देरहानो हागोन बेनि फासैं बांसिन गोनांथि होनाय जादों। नब' कुमार शरनियानि सोमोन्दे फोरमानयानै बिथाडा बुडेदि, बिथांनि इयुनआ आइनिनि फाखनाव हाबनानै दड'। दानिया बर'-अबर'नि आबहावा गैलिया बेनिखायनो

बिथाडा जिरायनानै थानाया मोजां। नब' कुमार शरनियानि (□ 5 बिलाइआव)

दुलाराइ आसाम गरिया मरिया देश जातिय परिषदआव बेले-बेजे

बिटिआर क-अडिनेसन कमिटिनि आफादगिरि सेलिम पाटगिरिखौ एरख 'दों

कक्राझार, 23 मार्च: लक सभा बिसायख 'थिनि दुंहाव बार बारनाय समावनो दुलाराइ आसाम गरिया मरिया देश जातिय परिषद मुनि आफादआव इस्झरि बेले-बेजे सोमजिदों। बेले-बेजे सोमजिनयानि जाउनव राइज्योआरि आफादआ बिटिआर क-अडिनेसन (□ 5 बिलाइआव)

बिसायख 'थि समाव आखाइयाव क्रिकेट बेट लानानै फोथाराव मन्थि सर्बानन्द सनवाल

डिब्रुगड, 23 मार्च: माकुमनि रजनिक्कान्त बरदलै गेलेग्रा फोथाराव आखाइयाव क्रिकेट बेट लानानै क्रिकेट गेलेनो ओंखारदों मिरुनि मन्थि एबा डिब्रुगड लकसभा बियाबनि बिजाथि गसंनय सर्बानन्द सनवालआ। (□ 5 बिलाइआव)



तामुलपुरआव खास्त्रि-बिस्त्रि बुथारनाय जाथाय सोमजिदों

तामुलपुर, 23 मार्च: तामुलपुर पुलिस थानानि सिडव थानाय सापकाता गामियाव मोनसे खास्त्रि-बिस्त्रि बुथारनाय जाथाय सोमजियो। मिथिनो मोन्या बदिब्ला, तामुलपुरनि सापकाता गामिनि थांथिगिरि अमल राभा (50) खौ गामिनि बिस्त्रि अर्चना राभा (37) आ उन्दुनाय बिसिनयावनो गोबै हाथियारजों दानथादों। जाथायनि बागै खौरां मोन्याय लोगो-लोगोनो तामुलपुर पुलिसआ जाथायथिलियाव नुजाथिहेनानै दायनिगिरि बिस्त्रि अर्चना राभाखौ खानायजों लोगोसे गोथै सहखौ बोखानानै पस्ट मर्टेम आन्जानि थाखाय दैथाय हरो। बे बुथारनाय जाथायनि गुबै जाहोनखौ मिथिनो हायाखेब्लाबो नख 'रआरि दावयव-दावसिनि जाउनवनो बे जाथाया सोमजिदों होन्नानै गामिनि राइजो-राजा आरो पुलिसआ सन्देह खालामदों। बे जाथायनि सायाव तामुलपुर पुलिसआ संदानया हाबाफारिखौ जागायजेन्दों होन्नानै सुलुड मिथिहोदों। बे जाथायाव जिउ गोमानाय फिसाइ अमल राभाआ सासे फिसाज्ला, सासे फिसाजो आरो नख 'पनि बाहागिफोरखौ बे संसाराव एंगारलाडे।

आसाम आरो सा-सान्जा राइज्योफोराव रोजा अखा आरो बारहुंखानि सांग्रांथि फोसावदों बोथोर बिफानआ

गुवाहाटी, 23 मार्च: भारतनि बोथोर बिफानआ हादतनि गुबुन गुबुन ओन्सोलफोराव फेगो सानफोराव अखा आरो बारहुंखा बारगोननि मोन्दांथिखौ फोसावदों। बावैसो गोदानै बोथोर बिफानआ फोसावनाय बायदिब्ला, थांनाय 24 घन्टा (□ 5 बिलाइआव)

बड'लेन्ड मुलुग सोलौंसालि बर' बिफानआ बाररा' फरायसाफोरनि लोगो हमज्जायनाय हाबाफारि खुंदों

कक्राझार, 23 मार्च: गुबुन गुबुन बोसोरफोराव खुंबोनाय बायदिनो देरलायबो फिसा हाबाफारिनि गेजेरजों बड'लेन्ड मुलुग सोलौंसालिनि बर' बिफाननि बाररा' फरायसा गौथुमनि बान्जायनायाव दिने शनिबारखालि खुंगा 4थि बाररा' फरायसाफोरनि लोगो हमज्जायनाय एबा एलुमनि मिट हाबाफारि खुंनया जादों। बड'लेन्ड मुलुग सोलौंसालिनि बर' बिफानआ खुंफुंनय 4थि बाररा' फरायसाफोरनि लोगो हमज्जायनाय हाबाफारिजों (□ 5 बिलाइआव)

कक्राझारआव इण्डियान उइमेन लीग-2 फुटबल बादायलायनाया दिनैनिफ्राय जागायजेनबाय

कक्राझार, 23 मार्च: सा-सान्जा ओन्सोलनि फुटबलनि गुबुन मोनसे मिरु कक्राझार साइ स्टेडियामाव इण्डियान उइमेन लीग-2 फुटबल बादायलायनाया दिनैनिफ्राय जागायजेनो। भारतआव गिबि खेबनि थाखाय खुंनय इण्डियान उइमेन लीग-2 फुटबल बादायलायनायनि लीग मेचफोरखौ कक्राझार साइ



स्टेडियामाव खुंनयजों लोगोसे गुवा आरो कलकाताआवबो खुंनय जादों। कक्राझारनि साइ स्टेडियामाव दिने खुंनय

टंलायाव फोरेंगिरि फोरेंथाइ आरो मावबादा खुंफुंलांबाय गोगो सोलौंथाइ लाबोनायाव खामानि मावलांनो थाखाय ट्रास्टनो हेफाजाव होगोन: प्रमद बर'

उदालगुरि, 23 मार्च: उदालगुरि जिल्लानि सिडव थानाय टंला इउएन एकाडेमि फरायसालियाव साननैनि हाबाफारिजों खुंनय फोरेंगिरि फोरेंथाइ आरो मावबादा हाबाफारिया दिने जोबलांबाय। उदालगुरि जिल्ला इउएन एकाडेमि आन्जाद बर्ड आरो बाथौ इडुके शानेल फाउन्डेसननि सिडव थानाय



गंफोमबो फरायसालिनि फोरेंगिरिफोरखौ लानानै बड' इडुके शानेल ट्रास्ट आरो ससाइतिनि बान्जायनायाव फोरेंगिरि फोरेंथाइ आरो मावबादाया जाफुंसारै जोबलाडो। साननैनि हाबाफारिजों खुंनय बे फोरेंगिरि (□ 5 बिलाइआव)

नरेन्द्र मदिस्त्रौ 3थि खेबनि थाखाय गाहाइ मन्थि खालामनो बिसायख'थि गेलेगोन

बिपिएफआ ब्लेकमेल खालामनानै राइजो-राजाफोरनि भटखौ खहा खालामनयानि अनगायै जेबो गैया: प्रमद बर'

उदालगुरि, 23 मार्च: हादतनि गाहाइ मन्थि नरेन्द्र मदिस्त्रौ 3थि खेबनि थाखाय फिन गाहाइ मन्थि खालामनो थाखाय बिसायख 'थि गेलेगोन। बिपिएफआ सिगां समाव सरकार खुंथाइ थानाय समाव केबिनेट मन्थि, एमएलए, इएम, एमसिएलए, टिसिएलसि-



भिसिडिसि मासिगिरि थासान्दिआवबो बै समाव देरहानो हायाखे, नाथाय बे खेबआव बिपिएफआ माब्रै देरहानो? बिपिएफआ नंखाय लामाजों दैदेन्नानै ब्लेकमेल खालामना राइजो-राजाफोरनि भटखौ खहा खालामनयानि (□ 5 बिलाइआव)

डिजिटल ब्युर', 23 मार्च: गेनाखान्थि बेरेखा सोमावसारनायजों बयजोंबो सिनायथि जानाय महाराष्ट्रनि आगु समाज सिबियारि आन्ना हाजारेआ अरबिन्द केजरिवालनि हाबा-हुखाफोरखौ लानानै गाज्रि मोन्नानै फेदों। आन्नानि बादिब्ला रेजरिवालआ गामनि हाबा मावनायनि फिथाइखौ (□ 5 बिलाइआव)

पर्वतझरा जिल्ला आफाद बिपिएफनि गार' सेल दाफुंबाय

पर्वतझरा, 23 मार्च: खुंजानो गोनां लकसभा बिसायख 'थिया खाथिनिफ्राय खाथिनिफ्राय सौफेनाय हिस्साबे दासनि, गुबुन गुबुन राजखान्थि दोलोफोरा गावबागावनि बिजाथिखौ बिसायख 'थियाव देरहाहोनांनोनि थांखिजों दोलोनि मावथिफोरखौ (□ 5 बिलाइआव)



मस्कनि सेन्ट्रल कन्सार्ट हलआव उतखारिनि हामला, सा 115 थैबाय बे जाथायखौ सिमान लाबाय इस्लामिक स्टेट गुपआ, नायसंदान्नायखौ जागायबाय रासियानि संदान गौथुमआ

मस्क, 23 मार्च: मस्क नोगोरमायाव उतखारि गागोलबनायजों सा 115 सुबुंफोरनि जिउ गोमाबाय। जाथायाव गोब्राब जोखोम जायो सा 187 सुबुंफोरा। मिबथिनो मोन्नाय बायदिब्ला, गागोलोग्रा उतखारिफोरा मस्क सेन्ट्रल कन्सार्ट हलआव अर सावनानै



होनो 'रेजे' खाममुवा' बाहायदोंमोन होन्नानै बुंनय जादों। बे गागोलबनायाव लोब्बा थानाय सा 11 सुबुंफोरखौ रैवाथि हान्जाया ग्रेपार खालामनो मोनबाय। हमजानाय सन्देह गोनां सुबुंफोरखौ सेबनानै गाहाइ दायनिगिरिखौ हमनो थाखाय (□ 5 बिलाइआव)

डिपफेकजों मैहुर जानांदों 4 रोजा फावखुंगुरफोरा

डिजिटल ब्युर', 23 मार्च: डिपफेकआ जॉनि गेजेराव लासै-लासै गिखानाय थासारि लाबोनायनि गोबांथारै सावरायनाय जाबोदोंमोन। नाथाय बे खेबाव बेनि थार आरो गिदिर फोरमान मोन्नो हाबाय। मिबथिनाय बायदिब्ला, बुहमनाडे 4 रोजानि बांसिन स्टारफोर आरो मुंदांखा सुबुंफोरा डिपफेक पन्रपाफिनि मैहुर जानांदों। बे सोमोनांथाव खौरांखौ होदों मोनसे संदान आफादआ। मोनसे ब्रिटिस खौरां बिजोड बिजिरथि होनाय बायदिब्ला, बिसोरनि गेजेराव सा 250 नि बांसिनानो ब्रिटिस स्टारफोर। (□ 5 बिलाइआव)



सुजुगिरिनि खोलोम

समनि दोहौ

बिसायख 'थि समाव जायखि-जाया दोलो आरो दैदेनगिरिफोरनि सान्नाय-हनाय आरो बाध्रा बुनायनि आव-फावखौ गुबुन समफोरनि रुजुनायाव एसेब्लाबो आलादा रोखोमनि जानायखौ नुनो मोन्नाय जायो। खायफाया गोखोडैआरो खायफाया लासै लासै सम आरो थासारिजो गोरोबनानै रइजो-राजा सुबुंफोरनि गेजेरव हाबनायखौ नुनो मोन्नाय जायो। बेनि थोखिया मोनसेयानो, बिसायख 'थि दावहायाव गुबुनखुइ बांसिन भट मोन्नाय देरहासाद जानो हानाय। बावैसो सिगां भट खुंनार्यनि अक्ट फोसावनायनि उननिफ्रायनो बिसायख 'थिखौ लानानैनो दोलो आरो दैदेनगिरिफोरनि गेजेरव थियारि जानायनि बाइदिसिना हाबाफारि खुंनार्याव मुखुब नांथावनायखौ नुनो मोन्नाय जादों। अदेबानि बिसायख 'थि अक्ट फोसावै समनिफ्रायनो दोलो आरो दैदेनगिरिफोरनि गेजेरव साखा-फारा जानायखौ नुनो मोनबोनाय जादों। बिसायख 'थि दावहाआव खालि दोलोनि गेजेरवल' बिजाथि फसंनानै बादायलायनाय जाया, दोलो गैयै सुबुं एबा समाजनि जायखि-जाया जिडाइन बोसोर बैसोनि साफ्रोमबो भारतआरि नोगोराफोरनो एबुथायै एबा उदां महैर बिजाथि गंसंनानै बिसायख 'थि गेलोनो हानायनि मोन्थाय होनाय जादों। बेखौबो बुंजायोदि-हादतनि साफ्रोमबो बैसो जानाय नोगोराफोरा जैर भट होनो हायो बेबायदिनो बिसायख 'थिनि बिजाथिबो गंसंनो हायो। नाथाय माखासे उन गोम्लैसोनाय दावगाख 'नो हायै हारिफोरनि थाखाय सैरखाथि महैर थिनानै दोन्नाय बियाबफोराव बिब्दि हारिनि अनगायै गुबुन गुबुन थाखोनि सुबुंफोरा बादायनो हायैनिबो राहा खालामनानै होदों जौनि हादतनि संबिजिरिआव। जौनि राइज्योआव मोन जिन्नै लकसभा बियाबफोर दइ। बेनि गेजेरव मोन 11आ जेनेरेल बियाब, मोन्नाय एस्टि रिजार्भ आरो मोनसेखौ एससि थाखोनि थाखाय रिजार्भ महैर थिनानै दोन्नाय जादों। ट्राइबेल एबा एस्टिफोरनि थाखाय थिनानै दोन्नाय राइज्योनि मोन्नाय बियाबफोरा जादों कक्राझार आरो डिफु बियाब। बे बियाब मोन्नाय जागाय जेनाय समनिफ्राय ट्राइबेल हारिनि सुबुंफोरा नडबा जायखि-जाया दोलोनि एबा एस्टि उदां बिजाथिनि सुबुंफोरनो सामलायनानै फैनार्यखौ नुनो मोन्नाय जायो। फोरमान बादिदै कक्राझार एस्टि लकसभा बियाबआव थानाय 1957 माइथायनिफ्राय 1971 माइथायसिम कंग्रेस, 1977 निफ्राय 1984 माइथायसिम पिटिसिए, 1991 निफ्राय 1996 माइथायसिम आरो 1998 निफ्राय 2009 सिम ट्राइबेल बर' सुबुंफोरनि आखाइयाव लान्थियै बे बियाबआव दखलाव दइमोन। बेनि उनाव ट्राइबेलफोरनि थाखाय थिनानै दोन्नाय बे बियाबआव 2014 निफ्राय 2024 सिम बावैसो आसाम सरकारनि हायेनारि जनजाति आरो उन गोम्लैसोनाय बिफानजौ ट्राइबेल फोरमान लाइ बातिल खालाम जानाय नब शरनिया अरफे हिरा शरनियानि दखलाव थानायखौ जौं बयबो मिबथिगौ। बिथाडा बर'-अबर'नि राजखान्थि खलामा, जौं जनजाति सुबुंआ जनजाति बियाबआवनो गेलेगोन, अबर'नि मोन्थाय, मर्यादानि हखायै गंसंगोन, जौसे खेब अबर'नि मोन्थायनि थाखाय आवास होगोन होन्नाय बुंनया नुनो मोनो, नाथाय जनजातिनि जौगानाय, मोन्नाय-मोनेनि दाबि-अजदफोरनि सायाव बुंनया नुनो मोन्नाय जाया।

नोजोर होथावनादि, -बै समाव 5 नं कक्राझार बियाबआव मोन 10 बियाब फारियै-गसाइगाव, कक्राझार सान्जा, कक्राझार सोनाब, चिदली, बिजनी, सरभग, भवानिपुर, तामुलपुर, बरमा आरो सापागुरि बियाबजौं दाजानायमोन। गोदानै दाफम फिन्नाय 1 नं कक्राझार लकसभा बियाबआव मोन 9 बियाब फारियै-गसाइगाव, दतमा, कक्राझार, बाउखुंरि, पर्वतझार, चिदली-चिरं, बिजनी, मानास आरो बागसा बियाबखौ लानानै दानाय लकसभा बियाब। बे लकसभा बियाबआव थामथि खोलोबनि बिसायख 'थियाव 7 मे अक्टखालि आयगया फोसावनाय बादिदै भट खुंगोन।

दिनैनि फान्जामुथि

राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ)
कर्कट : ड ह सिंह : म ट कन्या : प ट (ण ष)
तुला : त र बृश्चिक : ब न धनु : ध भ (ढ फ)
मकर : ख ज कुम्भ : ग श (स) मीन : द च (ख ज झ)

मेघ: दिनैनि दिनआव माबाफोर मुलाम्फा मोन्नो हागौ। गोजोन्नाय मोनगोन। मोजां सान।

वृष: बे राशिनि थाखाय अशुभ सम। मोजां खामानिखौ मावनो नाड। गोसोखौ हमथा।

मिथुन: मानिबा गोथार खामानि मावनो गोनां दइ'बा मावनानै लानो हागोन। सान्नाया जाफुनो हागौ।

कर्कट: माबाफोर गाजि जेनायाव गोम्लैनो हागौ। जैरौ सांग्रां जानानै थानांगोन।

सिंह: सोलेंथायाव दावगालानो हागोन। जेथिबो मुलाम्फा मोन्नो हागोन। मोजां सान।

कन्या: गोसोखौ गोजोन गैयै मोन्नो हागौ। जेखि जाया गोसोखौ हमथा।

तुला: नख'रनि गोथार खामानि मावनो हागोन। गोजोन्नायखौ मोनगोन।

बृश्चिक: बे राशिनि थाखाय गोथार सान। जेखि जाया खामानिखौ मावनो हागोन। गोजोन मोनगोन।

धनु: फालांगिरि मावग्रानि थाखाय गाहाम सान। मुलाम्फा मोन्नो हागोन।

मकर: जेखि मावा रांखावरि ख'हा जानो हागौ। सांग्रां जानानै मावनांगोन।

कुम्भ: दावबायारिनि थाखाय गाहाम सान। जेरावखि दावबाया गोजोनै दावबायनो हागोन।

मीन: देहायाव सानाय-सुनाय बेराम सिखानो हागौ। देहाखौ सांग्राडै लाखिनांगोन।

टिएमसि दैदेनगिरि महुआ मइत्रानि न 'याव सिबिआइआ सिग्रोमदों

कलकाता, 23 मार्च: टिएमसि दैदेनगिरि महुआ मइत्रानि जेनाया खम जानायनि मुं लायाखै। दिदै महुआनि न 'जौं लोगोसे माखासे न 'फोराव सिबिआइआ सिग्रोमदों। तृणमुल कंग्रेस दैदेनगिरिनि सायाव केस फर क्वेरी के सआव टिएमसि दैदेनगिरिनि कलकातानि आलिपुराव थानाय न' आरो गुबुन जायगाफोराव सिग्रोनगासिनो दइ। सिबिआइआ थानाय सानावनो केस फर क्वेरी केसआव केस थिसन्दोंमोन। सिबिआइआ लकपालनि बिथोनाव बे एफ आइआर थिसनो। लकपालआ मंगलबारखालि सिबिआइखौ 'केस फर क्वेरी' के सआव तृणमुल कंग्रेस दैदेनगिरि आरो आगुनि एमपि महुआ मइत्रानि हें'थायै जाबसिन्नाय दायफोरनि गासै केसफोरखौ नाइबिजिनो बिथोन होदोंमोन आरो 6 दाननि गेजेरव



मोनसे रिपर्ट गथायनो थिन्दोंमोन। सुलुडाव फोरमायनाय बायदिल्ला, केस फर क्वेरी केसआव थानाय बोसोरनि डिसेम्बर दानाव महुआ मइत्राआ गावनि एमपि मासिखौ नागारदोंमोन। बे केसआव लकसभाआ गावनि इतिकस कमिठिनि रिपर्टखौ आजावना लादोंमोन, जेराव केस फर क्वेरी के सआव बिसोरखौ दाय हमदोंमोन। बिजेपि एमपि निशिकान्त दुबेआ महुआनि हें'थायै लकसभा आफादगिरिखौ केस थिसन्दोंमोन। बे अजदआव

बिथाडा बुंदोंमोनदि, महुआया आदाणीनि हें'थायै संसदआव सोंथि सोंनो थाखाय दुबाइयाव थानाय फालांगिरि दर्शन हीरानन्दानीनिक्राय नोगोद रं आरो अन्थोब लादोंमोन। आधिकालाव आगुनि एमपिआ जायखि जाया गोरोन्थि खामानि मावनायखौ नेवसिगारदों आरो दाबि दैखाडो दि, बिखौ नोजोर होगासिनो दइ। मानोना बियो आडाणी गुपनि आयदाफोरनि सोमोन्दै सोंथि दिखदों।

पिएम मदिआ मस्कयाव उतखारि गाग्लोबनायखौ सोंखारिदों




गोदान दिल्ली, 23 मार्च: रासियानि राजथावनि मस्कनि क्राकस सिटि कंसर्ट हलयाव जानाय गुलि गावनाय जाथायखौ गाहाइ मन्थि नरेन्द्र मदिआ शनिवारखालि गोखैयै सोंखारिदों। बिथाडा सशोल मिडिया एक्सयाव जौं मस्कयाव उतखारि गाग्लोबनाय जाथाइखौ गोखोडै सोंखारियो होन्ना बुंदों। लोगोसे जौं भुगिनांनया नख'रफोरजों लोगोसे दंफायो होन्ना मदिआ बुंदों। दुखुनि बे समाव भारतआ रासिया संघनि सरकार आरो सुबुंफोरजों लोगोसे खौसैयै

गंसंफायो। अदेबानि थानाय शुक्रबारखालि मस्कनि क्राकस सिटि कंसर्ट हलयाव हाथियार लानाय सुबुंफोरा गाग्लोबदोंमोन। बे याव खमैब्लाबो सा 60 सुबुंफोरनि जिउ गोमायो आरो 100 निखुइ बांसिन जोखोम जायो। माखासे घन्टाफोरनि उनाव इस्लामिक स्टेटाआ बे गाग्लोबनायनि दाय लायो। मोनसे बिबुंथियाव उतखारि आफादआ दाबि दैखाडोदि, बिसोर मस्कनि बायजोआव ओन्सोल क्राकसफोरनयाव खुटानफोरनि मोनसे गिदिर सभायाव

गाग्लोबो। गाग्लोबनाय जायगानि भिडिअ फुतेजयाव क्राकस सिटि हल कन्साटं स्थालाव अर नांनयाखौ नुनो मोनगासिनो दइ, जायजों बाराव गोसोम उखुन्दैया साग्लोबसारदों। बेयाव गिदिर हलाव गुलिफोरनि सोदोबजों लोगोसे जायगानि सुबुंफोरखौ हसिखावनानै खारलानाय नुनो मोन्दों। राइज्यो सालायग्रा आरआइए नभस्तीआ फोरमायनाय बायदिल्ला, हाथियार लानाय सुबुंफोरा गुलि गावनानै थरसे ग्रेनेड एबा अर नांहोग्रा हम गावयो, जायजों अर नाडो। बेनि उनाव बिसोर गोब्राबै गंसं गुफुर रेनल्ट कारयाव गाखोनानै खारलाडो। निउयक टाइम्सनि रिपर्टनि बायदिल्ला, इस्लामिक स्टेटनि दाबि दैखानायनि माखासे सम उनाव आमैरिकाणि बिबानगिरिफोराबो बेनि खौरां होयो।

थानाय 24 घन्टयाव इजराइल रौनियानि बमा बेरफ्रुहोनायाव सा 82 सुबुंनि जिउ गोमादों



जेरु सालेम, 23 मार्च: इजराइल-हमासनि दावहायाव इजराइलनि बमा बेरहोनाया थानाय 24 घन्टयाव फिन सा 82 सुबुंफोरनि जिउ खोमादों। हमासनि देहा बिफाननि मोनसे बिबुंथियाव बुंनया जादोंदि, गाजायाव थानाय 24 घन्टयाव खमैबो 82 थैनायनि खौरां मोन्नाय जादों। हमासनि देहा मन्थि बिफाना बुंदोंदि, इजराइल आरो पेलिस्टाइननि उतखारिफोरनि गेजेरव 5 दाननिबो बांसिन दावहायाव

खमैबो 32,070 सुबुंफोर थैबाय। बेयाव गोबां अनजिमानि गथ'फोरनि थैनायबो दंफायो। गाजायाव बुथारग्लुंनयायखौ हमासनि बे दाबिनिफ्राय गोम्लैयैनो हमनो हायो। गाजायाव सोलिबाय थानाय बुथारग्लुंनयायखौ होबथानो थाखाय आमैरिकाया फिन खेबसेबाव जुथाय हादरआव दावहा दोनथ'नायनि थांखि दैखदोंमोन नाथाय रासिया आरो चीनआ गावसोरनि भेट' गोहो जाबसिननानै बे

थांखिखौ नेवसिगारदोंमोन। गाजानि मन्थि बिफाना बुंदोंदि, 7 अक्टबराव दावहा जागायजेन्नायनिफ्रा। गाजा स्ट्रिपआव सा 74,298 सुबुंफोरा जोखोम जादों आरो बिसोरनि गेजेरव गोबां अनजिमाया बेंगुरा जाबाय। रासिया आरो चीनआ आमैरिकाजों लाबोजानाय दावहा दोनथ'नायनि थांखिखौ नेवसिगारनायनि उनाव गाजायाव गोजोन फेनाया दा गोब्राब। 15 सोद्रोमा रैखाथि आफादआव

बिजेपि दैदेनगिरिफोरा आम आदमी पार्टिनि सायाव गाग्लोबदों

चेन्नाइ, 23 मार्च: मिरु मन्थि अनुराग ठाकुरआ दिल्लीनि गिबि मन्थि अरबिन्द के जरिवालनि गेजेरजों जेलनिफ्राय सरकार सालायनो दाबि दैखानायनि सायाव बुडोदि, बेयो दिल्लीनि सुबुंफोर आरो संबिजित-सुबुंखान्थिनि थाखाय लाजिनांथाव। केजरिवालखौ इडिआ थानाय बृहस्पतिबारखालि हराव दिल्ली आबकारि नेमखान्थि केसजों लोब्बा थानाय मानी लन्डि केसआव हमो। मिरु मन्थि ठाकुरआ बुंदोंदि, नायबिजिरा एजेन्सिआ केजरिवालखौ खेब 9 समन दैथायहरदों। नाथाय बियो अब्लाबो नायबिजिरनायाव बाहागो लायाखै। मा बियो गावखौनो हादरनि आइनिक्कुइ देरसिन सान्दों नामा? बियो कौटि-कौटि रंनि गेनाखान्थि खालामो आरो सानफ्रोमबो मिडियाआव बिबुंथि होयो। बिथाडा बुंवावदों, कंग्रेसनि गेनाकान्थिनि सोमोन्दै बुंन्या आरो सनिया



गान्धीखौ हमनो दाबि दैखांग्रा दोलोनि गाहाइआ खेब 9 समन दैथाय हरनायनि उनावबो इडिनि सिगाडव नुजाथिनो नेवसिगारदों। कर्टनि गेजेरजों दिल्लीनि गिबि मन्थिखौ 28 मार्चसिमआव इडिनि जिम्मायाव दैथाय हरनाय थांखिखौ बरायनानै बिजेपिनि मिरु मन्थि स्मृति इरानीआ बुडो-दायनिगिरिफोरखौ जोबथारनायाव बिजिरनायनि बेंखनआव लाबोनो हाबाय। आधिखालाव हादरआ फोथायसिगोनदि, रावबो आइनिफ्राय देरसिन नड। बेरफासै मिरु मन्थि प्रहलाद जशिआ थानाय शुक्रबारखालि दिल्लीनि गिबि मन्थि अरबिन्द

केजरिवालखौ हमनायाव मिरु सरकारनि जेबो बिहोमा गैया होन्नाय बुडो। इडिआ बिनो थोजासे सम होदोंमोन। नाथाय नुजाथियैआव आइनारि नायबिजिरनायनि गेजेरजों बिखौ हमनाय जायो। बेनि सोमोन्दै नोजोर खोखैनानै बुंदोंदि, बिनि दोलोआ हादरआव फोथायजाथाव हाबा मावनानै गोदान राजखान्थि लाबोदों होन्नाय दाबि दैखदोंमोन। नाथाय आधिखालाव गावखौनो फोथायजाथाव होन्नाय बुंन्या के जरिवालनि नंगुबै महरआ सोराडाव फे बाय। बियो हमजानायनि उनावबो खुंथाय नागारनो थाखाय थियारि जायाखै।

हलिनि समाव माखासे राइज्योफोराव जोबोद गरमजों भुगिनांगोन


गोदान दिल्ली, 23 मार्च: हलिआ फेगासिनो दइ'। बेनि गेजेरजों क्लाइमेट सेन्ट्रलनि गेजेरजों खालामनाय गोदान नाइबिजिरनाया जिंजा सिथावना सावगासिखौ दिन्थिदों। हलिखौ नेम-खान्थि बादिदै मार्चनि जोबनाया फालिनाय जायो। बे समाव बे खेबाव जोबोद गरम जानो हागौ। हादरनि दर 9 राइज्योफोराव बिदुड 40 डिग्री सेल्सियसनिखुइ बांसिन जानो हागौ। बे नाइबिजिरनाय बायदिल्ला, बे गरमनि जाहोनाव जोथोर सोलायगोन। आन्जाद नायगिरिफोरो हदत नाडै बिदुनि डाटाखौ नायबिजिरदों, जेराव मार्च आरो एप्रिल दानफोरनि सायाव नोजोर होदों। बेयाव मोनसे जिंजा सिथावना बाश्राया सोराडाव फे दोंदि, गासै हादतयाव मख'जाथाव महैर बिदुड बांबोगासिनो दइ'।



क्लाइमेट सेन्ट्रलनि बिगियान बिफाननि लेडाइ आफादगिरि डा. एन्ट्यू पर्सिआ बुंडोदि. बिदुडाव हरखाबै गोबां बांनयाखौ नुनो मोन्दों। गुसु बोथोरनि बिदुनिफ्राय थोंजोडे गोबां गरम जानाय थासारियाव सोलायनाया जिंजा सिथावना। भारतआव बिदुडव बे बांनया बोथोर सोलायनाय गोहोमफोरनि मोनसे रोखा इसासरा। नायबिजिरनायाव बिदुं बांनयाजों लोगोसे हलिनि समाव गोबां गरमजों सोमजिनाय जाथायफोरनि बांनया अलखदखौबो

नायबिजिरदों। थानाय 1970 माइथायनि जागायनायाव मार्च दाननि जोबनाय 40 डिग्री सेल्सियसनिखुइ बांसिन बिदुंजों मोगा-मोगि जानाया जोबोद मख'जाथावमोन। महाराष्ट्र, छत्तिसगढ़ आरो बिहारव बेबादि बिदुंनि हमदांनया 5 जौखोन्दोनिखुइ बांसिन जानो हागौ। नायबिजिरनायाव मिथिनो मोन्नाय बायदिल्ला महाराष्ट्र, छत्तिसगढ़, बिहार, राजस्तान, गुजरात, तेलेंगाना, मध्य प्रदेश, उरिष्ठा आरो अन्ध्र प्रदेशआव बिदुड 40 डिग्री सेल्सियससिम सौहैनो हागौ।

भारतयारि नेभि हान्जानि आइएनएस कलकाताया समालिया बोरिमायाव सा 35 लैथोआरि दाखाथिफोरखौ हमदों



मुम्बाइ, 23 मार्च: भारतयारि नेभिआ आरब लैथो आरो गाल्फ अफ एडेनआव मोनसे गिदिर एपारेसन खालामदों। दै सान्थि हान्जाया लैथोआरि दाखाथिनि बेरेखायै अपारेसन खालामनानै समालियानि बोरिमायाव सा 35 लैथोआरि दाखाथिफोरखौ हमदों। दावहायारि जाहाज आइएनएस कलकाताया हमजानाय दाखाथिफोरखौ लानानै शनिबार फुडव मुम्बाइसिम सौहैदों। बेनि उनाव बे लैथोआरि दाखाथिफोरखौ मुम्बाइ पुलिसनो गथायना होदों। बे सिग्रोमनायखौ सोलिबाय थानाय अपारेसन संकल्पनि बाहागो महैर बानायनाय जादों, जेराव भारतआरि नेभि हान्जानि जाहाजफोरखौ आरब लैथो आरो गाल्फ अफ एडेनआव थांलाय-फैलाय खालामग्रा दावबायारिफोर आरो फालांगि खालामग्राफोरखौ रैखाथि होनो थाखाय थिसन्नाय जादों। नेभि हान्जाया कास्टम आरो हाबफेनाय नेमखान्थिनि उनाव सा 35 समालियानि लैथोआरि दाखाथिफोरखौ मुम्बाइ पुलिसनो गथायना होदों। 16 मार्चखालि लैथोआरि दाखाथिफोरनि बेरेखायै अपारेसन खालामनायनि उनाव भारतयारि नेभि हान्जानि आइएनएस कलकाताया लैथोआरि दाखाथिफोरखौ हमनो हादोंमोन।

भारतआ भुटाननि जौगाखांनायनि थाखाय 10,000 कौटि रां हेगोन

थिम्फु, 23 मार्च: भारतनि गाहाइ मन्थि नरेन्द्र मदिनि भुटान दावबायनायखौ गोनांथार होनना मानिनाय जायो। चीनआ मदिनि बे दावबायनायजौ सोमोनांदों जानांगौ। चीनआ भुटाननि हाखौबो नोजेर होगासिनो दं। बेबादि थासायिआव भारतनि गाहाइ मन्थि मदिनि भुटान दावबायनाया दिन्थियोदि, भारत आरो भुटाननि गेजेराव सोमोन्दोनि रोदाया बेसेबां गोथौ। भारतआ फैबाय थानाय समाव भुटाननि जौगानायनि थाखाय आगानसे आवगायलानो थाखाय रादाय होदों, बे फारियै गाहाइ मन्थि मदिआ भुटाननि गोजौ थाखोनि दैदेनगिरिफोरनो खोथा होदोंदि, भारतआ गावनि जौगालु हास्थायनायफोराव बेखौ आबुडै हेफाजाव होयो। दरनैबो हादरनि गेजेराव बाइजोआरि सोमोन्दोआ फोनांजावनाय, बिथायारि सानजथाइ, फालांगि आरो गोहो बिथिडव बांसिन हेफाजावनि लामाखौ गोरलै खालामगोन। मदिआ फोसावदोंदि, थिम्फुनो 5 बोसोराव 10,000 कौटि रांनि अनसुंथाइ होनाय जागोन। बिथाड बुंदोंदि, भारत आरो भुटाननि सुबुंफोरनि गेजेराव सोमोन्दोआ बिसोरनि गेजेरारि सोमोन्दोखौ गुबुन-गुबुन खालामो। बे दावबायनायनि थाखिया न'सुसेनि हादर भुटानजौं भारतनि रुजुजायै सोमोन्दोखौ गोखौं खालामनाय। दरनैबो हादरआ गोहो, फालांगि, डिजिटेल फोनांजावनाय, जायगा आरो आबादिनि बिथिडव गोबां




गोरोबथाफोरावबो सागान होदों। बेजों लोगोसे दरनैबो हादरनि गेजेराव रेल फोनांजाव गायसन्नायनि सायाव मोनसे गोरोबथाखौ थि खालामनाय जादों। मदिआ भुटाननि राजा जिग्मे खिश्नर नामग्याल वांचुकखौ लोगो हमदों आरो गाहाइ मन्थि शेरिं तबगेजों बायदि बायदि आयदानि सायाव सावरायदों। मदिआ बुंदोंदि, भुटाननि महामहिम राजा जिग्मे खिश्नर नामग्याल वांचुकखौ लोगो हमनाने गोजेनाय मोनदों। जों दरनै हादरनि गेजेराव बाइलेटारेल सोमोन्दोखौ साबसिन खालामनायनि राहाफोरनि बागै रायज्जलायदों। भुटाननि गाहाइ मन्थि शेरिं तबगेजों गावनि सावरायनायाव बिथाड बुंदोंमोनदि, भुटानाव गाहाइ मन्थि शेरिं तबगेजों मोनसे फिथाइ गोनां सावरायनाय जादों। जों भारत-भुटाननि लोगोनि गासैबो बिथिखौ

नायबिजिरदों आरो जौनि जौगालु बाहागोआरिखौ बांहोनायजों लोगोसे हरिमुवारि सोमोन्दोखौ गोथौ खालामनो गनायथि जादों। गाहाइ मन्थि मदिखौ बेवहाय भुटाननि गोजौसिन नोगोरारि बान्था अर्डर अफ दि द्रुक गेलपजों मान होनाय जादों। बिथाड बे सन्मानखौ मोननो हानाय गिबिसिन गुबुन हादरयारि सरकारनि गाहाइ। भुटाननि राजा जिग्मे खिश्नर नामग्याल वांचुकआ गाहाइ मन्थि मदिनो बान्थाखौ गथायदों। मदिआ गाहाइ मन्थि शेरिं तबगेजोंबो सावरायदों। गावनि बिबुंथियाव गाहाइ मन्थि मदिआ भुटाननि सुबुंफोरखौ बुंदोंदि, भारतआ नोंथानि बिखायाव थायो। बिथाड अनजाथाव लोगो महरै बिबुंथि होयो। भुटाननि बाथि राजा जिग्मे खिश्नर नामग्याल वांचुक आरो राजफोलेरनि सोद्रोमाफोराबो बे फालिथायाव दंमोन। जौनि सोमोन्दोखौ सिफायनो हाया।

जौनि गावजों-गाव हेफाजाव होलायनायखौ सिफायनो हाया, जुनिया बाथाया बेनोदि, जौनि फोथायनायाबो सोलायनो रोडेा सासे भारतयारि महरै बेयो आंनि थाखाय मोनसे गिदिर सान। नोंथाड आंखौ भुटाननि गोजौसिन (नोगोरारि) बान्थाजों मान होदों। जेब्ला बे सन्मानआ गुबुन हादरनिफ्राय फैयो अक्ला बेयो बे फोथायथिखौ गोखौं खालामोदि, जौनि दरनैबो हादरआ थार लामाथिं दावगालांगिसिनो दं। मदिआ बुंदोंदि, बेयो जौनि फोथायनायखौ गोखौं खालामोदि, जौनि नाजानाया दरनैबो हादरनि सुबुंफोरनि जौगानायनि लामा दिन्थिदों। बेयो जौनो गोखौंसिन खामानि मावनो थाखाय थुलुंगा आरो गोहो होयो। नाथाय बे सन्मानआ आंनि गावयारि मोनफुंनय नड। बेयो भारत आरो 140 कौटि

भारतयारिफोरनि थाखाय मोनसे सन्मान। गासैबो भारतयारिफोरनि जानानै आं भुटाननि बे गेदेमा हायाव बे बान्थाखौ गुरैयै आजावना लायो। बिथाड गावनि गोसोनिफ्राय भुटान आरो बेनि सुबुंफोरखौ साबायखर बाउदों। मदिआ बुंदोंदि, 140 कौटि भारतारिफोरा मिथिगौदि भुटाननि सुबुंफोरा गावसोरनि नख'रनि सोद्रोमाफोर बायदि। बिथाड बुंदोंदि, भारतआ गावनि जौगालु थांखिफोरखौ मोनफुंनयाव भुटानजों गोखोडेगसफादों। आं नोंथानो खोथा होयोदि, फैबाय थानाय 5 बोसोरफोरा जौनि सोमोन्दोखौ मोनसे गोदान गोहो होगोन। जों फोनांजावनाय, बिथायारि सानजथाइ, फालांगि आरो गोहो बिथिडव साबसिन लामा सोरजिनो खामानि मावगोन। भारत आरो भुटानहा रोखोमसे हास्थायनायफोर दं। जों 2047 मायथाइसिमाव भारतखौ जौगाहोनी थिरांथा लाबाय, फारसेथिं भुटाना 2034 मायथाइसिमाव मोनसे गोजौ आय गोनां हादर जानो थिरांथा लाबाय।

गोदान दिल्ली, 23 मार्च: बिसायख'थियारि चान्दानि सायाव सोमजिनाय दान्थे-बिदान्थेनि गेजेरजों बे बाथाया रोखा जायोदि, राजखांथियारि दोलोफोरनि चान्दाखौ बिसोरनि थाखाय गोहो एबा खुंथायाव फे फिन्नो हानायनि मिजिडवनाव मोनो। एससिएशन अफ डेमक्रेटिक रिपर्स (एडिआर) नि बिसायख'थियारि चान्दाखौ लानाने गोदान रिपर्टनिफ्राय माखासे ओरैबायदि खौरं मोन्दों। बेयाव फोरमायनाय जायोदि, रांखांथि बोसोर 2020-21 याव राजखांथि दोलोफोरा मोन्नाय गासै चान्दायाव बयनिखुइ बांसिन 42 कौटिनि चान्दाखौ तुनमुल कंग्रेसआ मोन्दोंमोन। बै बोसोराव बिजेपिआ 22 कौटि आरो कंग्रेसआ 10 कौटि चान्दा मोन्दोंमोन। तुनमुल कंग्रेसआ बयनिखुइबो बांसिन चान्दाखौ सोनाब बंगयाव जानो गोनां बिधान सभा बिसायख'थिनि सिगां मोन्दोंमोन। बै समाव पाटिआ बेयावनि खुंथायाव



थानायजों लोगोसे जानो हासिगौ होना मिजिं थिदोंमोन। आथिखालाव बिसायख'थिनि फिथाइ फेनायनि उनाव कंग्रेसआ फे गौ बोसोरफोराव बेनिखुइ खम रांखांथि मोन्दोंमोन। फारसेथिं बिजेपिआ 2019 नि लकसभा बिसायख'थिनि सिगां रांखांथि बोसोर 2018-19 याव 1450 कौटि आरो 2019-20 याव 2555 कौटि चान्दा मोन्दोंमोन। पाटिआ 2018-19 याव 384 कौटि आरो 2019-20 याव 317 कौटि रां मोन्दोंमोन। कंग्रेसनो बे चान्दाखौ 2019 नि लकसभा बिसायख'थिनि सिगां होदोंमोन। गनायना लानाय बायदिब्ला, चान्दा होग्रा कम्पानीफोरा कंग्रेसआ बिसायख'थिफोरव गोखौंसिन

भारतयारि रेलवेआ गं 571 हली ट्रेनफोरजों लोगोसे गं 1098 स्पेसेल ट्रेनफोरखौ सालायगोन

गोदान दिल्ली, 23 मार्च: फोर्बोनि समाव भारतयारि ट्रेनफोरव दावबायारिफोर होंगो-दोंगो जायो। बेबादिआव होंगो-दोंगोनिफ्राय बारग'नो आरो दावबायारिफोरनो साबसिन खाबु होनो थाखाय भारतयारि रेलवेआ खेबफोमबोनि बादि बे खेबआवबो जर'खा राहाफोर खालामदों। बेखौ नोजेर होनाने रेल मन्थि अश्विनी भैष्णभआ बुंदोंदि, हलीनि समाव गं 571 हली ट्रेनफोरजों लोगोसे गं 1098 उफ्रा जर'खा ट्रेनफोर सालायगोन। बेजों लोगोसे रेलवेनि फारसनिफ्राय 30 लाख दावबायारिफोरनो उफ्रा गोहो होगोन। हलीनि सानब्रै-सानबा सिगां आरो सानब्रै-सानबा उनसिमआव ट्रेनफोरनि अन्जिमायाव बांहोनायजों सुबुंफोरनि हाथा-मेलाया गोलै जागोन। स्टेसनफोराव दावबायारिफोरनि खाबुनि थाखाय मोजां राहा खालामनाय जादों। सुलुंनि बादिब्ला, थानाय बोसोरनि हलीआव गं 321 हली जर'खा ट्रेनफोर सालायदोंमोन। आथिखालाव हलीनि समाव गं 571 हली जर'खा सिबिथायफोरनि बिथांथि लादों। बेबादिनो थानाय बोसोरनि रुजुनायाव ट्रेन सिबिथायफोरव 78 जौखोन्दो बांनायखौ नुनो



मोन्नाय जादों। थानाय बोसोराव गं 720 जर'खा ट्रेनफोर सालायदोंमोन। बेयाव थानाय बोसोरनि रुजुनायाव बे बोसोराव 52 जौखोन्दो बांनायखौ नुनो मोन्नाय जादों। हली फोर्बोनि समाव दावबायारिफोरनो साबसिन खाबु होनो थाखाय मुम्बाइ,

सुरत, आहमेदाबाद, दिल्ली, पाटना बायदि गाहाइ सहरफोरजों उफ्रा गं 11 अनारक्षित रोक सालायनो बिथांथि लादों। बेजों लोगोसे उत्तर प्रदेश, बिहार, सोनाब बंग, झारखन्ड, दिल्ली, मध्य प्रदेश बायदिआव होंगो-दोंगोखौ बाडाइ खालामनो थाखाय थिसन्नाय जागोन।

समाजवादी पार्टीआ बिधान सभा उफ्रा बिसायख'थिनि थाखाय सा 3 बिजाथिफोरनि मुंखौ फोसावबाय

लखनौ, 23 मार्च: समाजवादी पार्टीआ लकसभा बिसायख'थिजों लोगोसे उत्तर प्रदेशनि मोनब्रै बिधान सभा मासिआव जानो गोनां उफ्रा बिसायख'थिनि थाखाय गावसोरनि साथाम बिजाथिफोरनि मुंखौ फोसावनाने होयो। ससेल मिडिया एक्सआव होनाय मोनसे पस्टआव समाजवादी पार्टीआ ददरौल बिधान सभा ओन्सोलनिफ्राय अवधेश कुमार भर्माखौ गेंसडी बिधान सभा ओन्सोलनिफ्राय राकेश यादव आरो दुद्धी बिधान सभा ओन्सोलनिफ्राय भिजय सिंह गन्डखौ गावसोरनि बिजाथि पार्टीनि गाहाइ बुंथिगिरि रजेन्द्र चौधुरीआ फोरमायदोंदि, पार्टीआ दासिमआव लखनौ सान्जा बिधान सभा ओन्सोलनि थाखाय गावसोरनि बिजाथिखौ फोसावथ'थाखै। उत्तर प्रदेशनि मोनब्रै बिधान सभा मासिआव उफ्रा बिसायख'थिआ लकसभा बिसायख'थिजों लोगोसे



मोनब्रै खोलोबआव जागोन। राज्ज्योनि जाय मोनब्रै बिधान सभा मासिआव उफ्रा बिसायख'थि जानांगौ बेयाव शाहाजाहानपुर जिल्लानि ददरौल, लखनौ जिल्लानि लखनौ सान्जा, बलरामपुर जिल्लानि गेसडी आरो सनभद्र जिल्लानि दुद्धी बिधान सभा मासिफोरा दड। बिधान सभा उफ्रा बिसायख'थि हाबाफारिनि खौरं होनाने उत्तर प्रदेशनि गाहाइ बिसायख'थि बिबानगिरि नवदीप रिणवाआ फोरमायदोंदि, ददरौल बिधान सभा मासिआव उफ्रा बिसायख'थिआ ब्रैथि खोलोब 13 मेआव जागोन आरो लखनौ सान्जा बिधान सभा मासिआव

बेंगालुरुजों लोगोसे माखासे राइज्योफोरावबो दैन अलखद फैनो हागौ



बेंगालुरु, 23 मार्च: बेंगालुरुआव दैन अलखद सोमजिदों। मख'नो गोनांदि, लोंगा दैनिक्राय लानाने दुगैनाय, मुवा-बेसाद सुनाय बायदिनि थाखायबो दै मोन्नो हायाखै। बेंगालुरु बायदि सहरा सिगांनिफ्रायनो सानफ्रोमबो 2,600 मिलियन लिटर दाबि दैखानायनि रुजुनायाव गासै 500 मिलियन लिटर दैन आंखालजों बुगिनांगसिनो दड। अन्जिमानि बायदिब्ला, गरम बोथोरनि सिगां,

भारतनि मोन 150 गुदि जगायना लाखिग्रा बाखिनि गोहोआ बेनि गासै गोहोनि 38 जौखोन्दो, जाय थानाय 10 बोसोरनि बे समनि एभारेस्टनिखुइ खम। मिरुआरि दै आयगनि सप्ताहयारि बलेटिनि बायदिब्ला, गुबुन राइज्योफोरनि गेजेराव कर्नाटकयाव थानाय बोसोरनि समान समनि रुजुनायाव खम बाखिनि थाखोखौ दिखोनो

मोन्नाय जादों। बेंगालुरुआव 14,000 बरभेल, जायफोरनि गेजेराव 6,900 आ रानखंबाया। कर्नाटकनि गिबि मन्थि सिध्दरामैयाआ खौरंगिरिफोरनि सिगाडाव बुंदोंमोनदि, सहरा 2,600 एमएलडि दैन गोनांथि दड, जायफोरनि गेजेराव 1,470 एमएलडिआ कावेरी दैनिक्राय आरो 650 एमएलडिआ बरवेलनिफ्राय फैयो। थानाय 10 बोसोराव 72.396 बिसिएसमोन।

प्रदेश, पान्जाब, मध्य प्रदेश, त्रिपुरा, राजस्थान, बिहार, महाराष्ट्र, उत्तर प्रदेश, गुजरात, छत्तीसगढ़ अन्ध्र प्रदेश आरो तेलेंगाना, तामिलनाडुजों लोगोसे गुबुन राइज्योफोरावबो खम बांखि थाखोनि खौरं होदों। मावख'यारि अन्जिमानि बायदिब्ला, बे मोन 150 दै दोन्थुमग्रा बाखिनि गासै गोहोआ 178.784 बिसिएस, जाय हादरनि गासै हमदंनय बाखिनि गोहोआ 257.812 मिलियन क्युबिक मिटरनि गासै 69.35 जौखोन्दो। बे दै दोनथुमग्रायाव मोन्नो हानाय बाखिया 67.591 बिसिएस, जाय बेनि गासै बाखिनि गोहोनि 38 जौखोन्दो। थानाय बोसोरनि बे समाव मोन्नो हानाय लाइभ स्टरेजआ 80.557 बिसिएसमोन, जाय थानाय 10 बोसोराव 72.396 बिसिएसमोन।

मदिआ भारत सरकारनि फान्डजों थियारि जानाय भुटाननि बिमा आरो फिसानि देहा फाहामसालि बेखेवदों

थिम्फु, 23 मार्च: भारतनि गाहाइ मन्थि नरेन्द्र मदिनि मैया शुक्र बार 22 मार्चखालि भुटानआव साननैनि थाखाय र। ज ख। फिन्थ य। रि दावबायहैनायखौ गाजा-गोमजायै बरायो। गाहाइ मन्थि मदिनि नुजाथिहैनायाव भुटाननि गाहाइ मन्थि शेरिं तबगेआ बिदा गेदेर बुंनाने सोमोन्दो लायो। तबगेआ गावनि एक्सआव पस्ट खालामनाने भुटानआव आंनि बिदा गेदेर रेन्द्र मदिखौ बरायबाय होनाने बुडे। बेनि गेजेरजों दिने एबा 23 मार्चखालि गाहाइ मन्थि मदिआ भुटाननि ग्यालत्सुएन जेत्सुन पेमा वांचुक बिमा आरो



फिसा देहा फाहामसालिखौ बेखेवो। खौरां एजेन्सि एएनआइनि गेजेरजों शेरार खालामनाय भिडिआव देहा फाहामसालि बेखेवनाय

नुथायखौ नुनो मोन्दों। सुलुंनि बादिब्ला, देहा फाहामसालिखौ आबुडै भारत सरकारनि गेजेरजों रांखांथि फोसावदों। बेनि सिगां भुटाननि गाहाइ मन्थि दश शेरिं

तबगेआ बुंदोंदि, आं गावनि लोगो गाहाइ मन्थि मदिनो भुटानआव साबसिन नोगोरारि बान्था मोन्नायनि थाखाय हामलायथि बाउयो। बियो बे

सुंद'सल'

राखाव बसुमतारि

सावनि साजा

गोदो-गोदाइनि समआव मुनि रिसिफोरा गावसोर गोजोननायमोनब्ला बोर होनायमोन आरो रागा जॉब्लाथाय गात्रि रोखोमै साव होनायमोन। बोरनि ओंथिया 'आसिबांद'; बेनि फिथाइया मोजां जानायमोन देइ! साव होजाब्लाथाय बेनि फिथाइया गात्रि थारसै आरोमा। मिथिबाय ना नॉसोर? मोदाइफोरनि गेजेरावबो ब्रह्म, बिष्णु आरो बोराइ-बाथोवा गोजोननाय मोनोब्ला बोर होनायमोन आरो मोजां जानायमोन। नाथाय बिसोर रावखौबो साव होआमोन दे। गोनां जायोब्ला बिसोरो साजा होनायमोन। दावहा नांनानै जिउखौबो फोजोबनाय मोन।

नाथाय मुनि-रिसिफोरा सोरनिबा सायाव गोजोननाय मोनाखैब्ला थोंजोडैनो साव होनायमोन। मोदाइफोरा मुनि रिसिफोरनि सावखौ थोर थोर गिथारनायमोन। आरो बिसोरो थाथेरनो हायामोन दे। बेनि खायनो मोदाइफोरा बिसोरखौ फुजिनाय सिबिनायफोराव अरायबो सांग्रं जानाय मोन। फैंदो दानिया बे सावनि सल'खौनो खोनासंदिनि। मुनिफोरनि गेजेराव दुर्बासा मुनियानो बयनिखुरेबो रागा गोनांसिनथारमोन। बियो अत्रि मुनिनि फिसाज्जामोन; बिनि बिमानि मुझ अनसुयामोन दे। बिसोर सानैबो जोबोद मोजांथारमोन। रावबो मोजांनि अनगायै गात्रिखौ सानफेरा; सानखाया। अथस' बिसोरनिनो फिसाज्जा दुर्बासाया अरगें बायदि रोहो रोहो रागा दंमोन। बिखौ नुब्लाथाय बयबो थोर थोर गिथारनायमोन आरोमा! मानोना बिनि सावआ अर सालाइ बायदि खामग्लाबनायमोन।

बियो मोदाइ राजा इन्द्रखौबो साव होदोंमोन नंथारै जाहोनावनो। सानसे खालि मोदोम फुलायनाय दांसे बिबार लु मोनानां बेखौ इन्द्रनो गथायदंमोन। इन्द्रआ बे बिबार लुखौ मैदेरनि बिखुडव दोनदंमोन आलो आलोयै; बायसि जिसि आरो जसि-जसियै। मोदोमफुलायनाय बिबारनि लु मोदोमनायाव मैदेरा थानो हायैनि बेखौ सुन्दाइजं हाननानै लाबोदंमोन। आरो बेखौ नुनानै दुर्बासा मुनियारागाजोंनो थाथेरनो हायै जानायसै! आरो बुंनयसै,-- "आंनि होनाय बे बिबार- लुखौ मानयैयै खालामबाय! नॉनि राजलोखिया नॉनि नआव बारा गोबाव थानाय नड। बेनि उनाव इन्द्रहा मा बायदि गिथाव बाथाव हालोर।

बियो कृष्णखौनो साव होनो नागाराखैमोन मिथिबाय? नाथाय कृष्णआ बे सावखौ मिनि रंजायै आजावनानै खर'आव रुजुदंमोन। बे सावनि जाउनाव जरा ब्याधआ सानसे खालि बिखौ मै साननानै बोरला-थिरजों गावदंमोन। बेवहायनो कृष्णआबो जिउ गारनादंमोन। थारैनो साननो गोनां नड होमब्ला?

गेजेर गेजेर उलथाबोजायोलाय! बे बायदिनो अनथाव बाथाव साजा मोननादंमोन साव-होनायनि फिथाइ महरे। दुर्बासा मुनियारा। बिष्णुनि असे सिबियारी अजध्यानि राजा अम्बरीसखौ साव होनायनि थाखाय दुर्बासा मुनियारा जोबोर गेदेर खैफोदआव गोलैदंमोन। बिहा गावनि जिउखौ लानानै हालाइ-हाफाय जानादंमोन। बेयो थारैनो दायगैथारि सुबुंखौ साव होनायनि फिथाइ दे! जाय दाय खालामा, बिखौ साजा होनो नाजायोब्ला गावनो बे साजाखौ मोनथारनांगोन। नारदआ खैफोराव गोलैदंमोन दुर्बासा मुनियाराबो रोखोमसे खैफोरजों मैहर खालामजादों मोन।

राजा अम्बरीषा बिष्णुनि असे सिबियारी मोन। बियो गोबां खेब हुम जैगो होदंमोन। फुजा होनायमोन, धियान खालामनायमोन, आरो बयबो फालिदंमोन। सानसे खालि बियो बोसोरसेमानि व्रत खालामदंमोन। बोसोर आबुं जाखानायनि उनाव बियो हरथाम गोजोन जाया लोडा जमुना दैमायाव दुगैहैदंमोन। बेनिफ्राय बेरे मोदैनि अरन बारियाव बिष्णुखौ गोसो गोथारै फुजा खालामनानै दान आरो जानाय खालामदंमोन। नाथाय गाव जानायनि सिगां दुर्बासा मुनियारा बिनि खाथियाव नुजाफैंदंमोन। आलासि नुजाथि फेनायनि थाखाय बियो गोजोननायसै। गाव जानायनि सिगां-सिगां बियो दुर्बासा मुनिखौ गाव संनाय मोदोमफु आदारखौ जानो खर'गंग्लायै आरज गावदंमोन दुर्बासा मुनियारा गनायथिनानै गाव जमुना दैमायाव दुगैनो थानायसै।

ओरैहाय दैयाव ओंखारनायनि लोगो लोगो दुर्बासा मुनियारा अबंलावरीनि बाथा सानै सानै बावगुलानायसै ओंखाम जानांगो बाथाखौ। बियो फेफिननियाव राजाया जोबोद जारलायाव गोलैबाय। जिनै मैनाया जोबनो एसेल'खामोन। बे समनि गेजेरावनो एसे जानानै जाया लोडा थानायखौ सिफायथारनांगोन। बे बायदि जायाब्ला व्रतनिनो दाय जागोन। आरो आलासि जानायनि सिगां गाव जाग्रोयोब्लाबो दाय जागोन। बे बायदि मोननै खैफोराव

गोलैनानै राजाया पनदिद ब्रह्ममणमोननि खाथियाव सॉनयसै, "बे थासारियाव मा खालामनाया मोजां जागोन?"

ब्रह्मणफोरा बुंबाय,-- "दैया ओरै बायदि मुवादि बेखौ लॉनाय आरो लोडै मोननैबो समान। बेनि ओंथिया बेनो दै लॉनानै जायालासैनो थानो हायो आरो, सिफायनोबो हायो।

ब्रह्मणफोरनि बाथायाव राजाया इसे दै लॉनानै व्रतखौ सिफायनायसै। बिनि व्रत फालिनायाबो आबुं जानायसै।

नाथाय मादि मैया अवंनि। खैफोरा हासिडै फैया होननाय बायदि राजायाबो खैफोरावनो गोलैनायसै। दानदिसे उनावनो दुर्बासा मुनियारा फेफिन नायसै। आरो राजाया बिनो जानो होनायनि सिगां गावनो जाग्रोबाय साननानै जोबोद रागा जॉनायसै। गासैखौबो थांखिनानै बुंनयसै,-- "बे अधोरोमारी राजानि नॉसोर नुबाय। आं आलासि, जाया लासेनो आं फैंदों, आरो बियो गावनो आंनि जानाय सिगां-सिगां जागासिनो दड'!"

राजा अम्बरीषआ बोलो होनानै, आखाइ खबज'नानै दुर्बासा मुनिनो गासैबो बाथाखौ बुजायनो नाजानायसै। नाथाय रागा बहा मुनियारा रागा जॉनानै थोर थोर मावनोसो हमबाय। थिखिनिनिफ्राय खानाइ दंथामसो फु नानै लाबोयो आरो जारिनानै होनायसै। थुंग्रि लानानै राजाखौ होनायसै दुर्बासा मुनि सोरजिनाय गोहो गोर मानसिया आरो बियो जेन अर बायदि रोहो रोहो खामनो होसोबोदों गोखैनो। नाथाय राजाया एसेबो गिथाराखैमोन; खारनोबो नाजाथाराखैमोन। हरखाव बियो गावनि गुरु बिष्णुखौ गोसोखानायसै आरो आरज गावहरनायसै।

"हे आफा, नॉनि सिबियारीया दिनें खैफोराव गोलैबाय। आंनि गाबजिनायखौ खोनासंदों।" अम्बरीष राजानि खाराव माराव गाबजिनायखौखि बिष्णुआ खोमा फांथेनानै थानो हागौ! नुनो मोनबायदि दानदिसेनो बिष्णुआ आखाइयाव सक्र लानानै फेनायसै आरो बै साया महरनि सुबुंखौ सय हांगार खालामनायसै। सक्रया दानिया दुर्बासा मुनिखौ दों-दों होसोनायसै। मेगननि खाथियावनो बे गिलु बालु जाथाइखौ नुनानै दुर्बासा मुनियारा गिनायजों गावनि जिउ-रैखा खालामनो थाखाय खारनो नाजानायसै। आरो सक्रयाबो बिखौनो नोजोरसेयैनो जानो बायदि खालामगासिनो दं।

दुर्बासा मुनियारा साननायसैदि सुमेरु हाजोनि दन्दराव थानानै थानोमा हैनो। नाथाय सक्रया बिधिबो होसो लांबावनायसै। लैथो-लैथोमा, अखा, फाथाल जेरैरिख थाडा मानो, बियो खालै सक्रखौल, नुनो मोनो आरो गावखौनो होसो गासिनो दड'। जिउखौ रैखा खालामनो थाखाय बियो ब्रह्मनि खाथियाव नुजाथि हैबाय। ब्रह्मया बिखौ बुंनयसै,-- "बै समायना सक्रनिफ्राय नोंखौ रैखाथि होनो हानाय आंहा गोहो गैया।"

दुर्बासा मुनियारा अब्ला कैलास हाजो फारसे बाथौ बोराइजों,-- "नों बिष्णुनि खाथियाव थांदो। बिसो नोंखौ रैखा खालामनो हासिगोन।

दुर्बासा मुनियारा अब्ला बैकुन्टआव थानानै बिष्णुनि खाथियाव रैखाथि बिहैनयसै। बुंनयसै,-- "हे , गिरि! आं मा दाय मावफलांखो। नोंथाडा आंखौ निमाहा होदो।"

बिष्णुआ गोजोन गोसोयै बुंनयसै,-- "जाय मोजां, निस्थार, बिखौ मेगन सानानै हिंसा खालामनायनि थाखाय नोंहा बे रोखोम खैफोराव गोलैदों। नों जायखौ इनाय खालामदों, बिनि खाथियाव थानानै निमाहा बिहै। अब्ला नॉनि खैफारा गैया जालांगोन।

बे बाथाखौ खोनानाय लगे लोगो गुरुनि बोसोन बायदियै दुर्बासा मुनियारा अजध्यायाव राजानि खाथियाव थानानै निमाहा बिहैनयसै। राजा अम्बरीषआ आखाइ खबजवनानै, नायनो समायना सक्रखौ गिदि फिनलानो बुंथिनयसै। राजानि बाथायाव नायनो समायना सक्रया गिदि फिनलानायखौ नुनानै दुर्बासा मुनियारा राजाखौ आसिबांद होनानै बुंनयसै,-- "आं दाय खालामदंमोन; अब्लाबो नोडे आंनि जिउखौ रैखा खालामबाय!" राजाया अब्लासिमहा लागै ओंखाम खबसेबो जानो हायाखैमोन। बियो मुनिखौ थांखिनानै बुंनयसै,-- "नोंथांआ आंनि सासे आलासि। बे खेबआव खुगायाव माबा मोनसे सोनांगोन आरो आंनिबो जिउखौ रैखा खालामनांगोन।

बे बायदि बुंनानै बियो दुर्बासा मुनिनि आर्थियाव हमनानै बिखौ ओंखाम जाहोनायसै। बेनि उनावसो गावबो ओंखाम जानायसै।

बै समनि आलासि फुजिनाया बे रोखोमनिमोन। आरो मुनि-रिसिफोराबो बुजियै बायदि दायगैथारि मानसिफोरखौनो साव होनायमोन। आरो गावसोरबो बे बायदिनो साजा मोननांनयमोन दे।

रंजालि गथ'फोरनि सौरा

टेटराकटिस

खन्थाइ

जाय

बादि

सुबुड

मोजां गोसो

मोजांखौ मिजिनाय थायो बिनाव

जाय

बादि

सुबुड

मोजां गोसो

बुंगोन बियो बाराय आगान होनना

जाय

बादि

सुबुनि

गोसो गोबों

मोजां नड बाराय आगान बुड

जाय

बादि

सुबुड

मोजां नड

मोजां नुबा मेगन गोसा जायो

जाय

बादि

सुबुड

मेगन गोसा

बाराय आगाननो थुलुंगा होया

जाय

बादि

सुबुड

मेगन गोसा

आखुवारि फुंखा मोजां नड

जाय

बादि

सुबुड

मोनसा गोबों

बियो हले जाखा थारगोन आंखेव

जों

सुबुं

हारिनि

गोबों सानसि

जानो नांगो हावार

अख्रं बादि।

-रैदोम बर',

माजदिद्या, बगुलामारि,

बाक्सा

नों आनि नडब्लाबो

नॉनि महरनि इसाराया

आंनि गुबुन इन्जुरनि फारसे

जोंथि मिनिनाय नायगिरना नॉनि

मोनाखै आं दाबोनो नॉनि मोखाडव।

आं नड अनगोथे

नॉनि गारबोनाय साइखंबादि,

नोंखौ आंनि हं बायदि मोनो रजे

दादिसे गैयाब्लानो आं जिउ गैयै उरां फारां।

बिखानि गाराइ थैसाम

नॉनि मुंजों लाथा खानाय,

नों आंनि बिखायाव था रजे

गजबनानै दावथु फिसा बायदि।

नॉनि अन्थाव महरखौ

आं नायनानै गोजोनो रजे,

नोंखौ नुबोला आं खुसिजों मिनिस्त्राडे

नों आंनि नडब्लाबो रजे नोंनो आंनिथार।

गलाप खुंगुर बसुमतारी

बसगाव, कक्राझार

आंनो होनाय दाहा हंमा बादि दाहो नों गुबुनखौ

नोंजों मोदैनि लैथोआव गव'नो

आं मोजां मोनलायाखैमोन सैनाइ,

गोरबोआव दाहा हंमानि दावदाव

बज'बना थाना थानो आं लुबैयाखैमोन।

आंनि अराइनि अन्नाय आरो मोजां मोननायाव

बजबना लानानै,

खावथेना दोन्दोंमोन मोजां मोनलायनायनि दौलें

मोनसेल' गोसो, सासेल' आंगो खालामना

दोन्दोंमोन आं आंनि स'नानि गोबों इंसिआव।

नॉनि सोलायसुलि गोसोआ

नॉनि लुबैसुलि गोसोआ

गुबुननि खलाब खिलब मोफ्लामनाय महराव

सिनायनो रोडसै नों सैथोयै होनाय आंनि अन्नाय।

आं लुबैयामोन नों आंनि गोजान जाजानो

आं सानामोन नोंजों आंजोनि आंगो सोमोन्दो फोजोबनो

नाथाय नोंनो थोआसै आंनि अन्नाय

आं हायासै नॉनि लुबैनाय हास्थायनाय सुफुंनो।

आंहा फोथायनाय दं

नों जायजोंनो थायो बेजोंनो खुसियैनो थागोन

नॉनि लुबैनाया बेजोंनो सुफुजाथों

बेजोंनो जाथोंसै नॉनि इथुन।

नाथाय गोसोआव ला नों सैनाइ

अन्नाय होब्ला अन्नाय मोनो

मिनिस्तु दिन्थियोब्ला मिनिस्तुनाय नुफिनो

आंनि सैथोखौ दाहा होबाय नों दाहाखौनो? मोनगोन

उन्दाहा जानाडेब्ला नों फस्थायनांगोन सैनाय।

दिनें आं लिटरना दोनबाय मोदैजों दोंसे खन्थाइ

खन्थाइल' जाना थाथोंसै आंनि सिमां

जोबथियाव फसेल' रावजों थुंगोहोनो सानो सैनाय

आंनो होनाय दाहा हंमा बादि दाहो नों गुबुनखौ।

निरन्जन बसुमतारी

नतुन सनाफुट, गहपुर

बोसोर गोदाननि अखा आरो खोलो-खोलो बार

बुद्धिराम बसुमतारि

कार्बिआलं

फैबाय सफैथारबाय बोसोर गोदाननि इसारा ज्राम-ज्राम अखाजों लोगोसे खोलो-खोलो बार गोजोननाय लादों मिथिंगा बिखा

गावजों-गाव हायला-हुयला मोसाना लादों रंजानाय

मिथिंगा बिफां-लाइफां दैमा-दैसा निजिरा-निजिरि

गोसोबायदि जेरावबो बिलिरलादों सुबुं माहारिनि सोलेर

फ्रि-फ्रि अखा खोलो-खोलो बार-दै-सिख्ला मिनिग्लाबना

लाख'नो हायाखै गोजोननाय जाय-जैरै हागौ गुस्थि

फुवारना रिजि-रिजि हाथाय देखायना रंजादों

बेखौ नुना आंबोदि जादों बोदोरबावलि थारैनो मुलुगा

समायफलेथारदों बोसोर गोदाननि अखा हानायजों

साबायख'र बावदों बरायदों गोसो-गोबोंजों मिथिंगा बिखा

मानोना हं थोनो-थोनो जाबायमोन हाद्रिजों होथेजाना बिफां-लाइफां

बुहुमनि गुबुले थासारि हाद्रिनि अहं गोहो सुस्रानो हाबाय

बोसोर गोदाननि अखा खोलो-खोलो सुदेम बार।

थारैनो आं जाबाय जावलिया बोदोर बावलि

नुथाइ मिथिंगानि रंजानाय मुहिथावन

सुबुंनि महर जानायमोनब्ला लागौमोन बजबना आंनि बिखा गेजेराव

नायबायथागौमोन गल'ल' थायनै मेगनजों आंनि।

खानायबायदि आयलि-जायलि बिलाइखौ

सोमावना रंजादों बालें-लें जानजि लाना बिफां

आंबो गोसो जादों सुबुं जानायमोनब्ला लागौमोन

जुलि आरो जेब्लाबो आलो-गोजोनै जागौमोन संसार।

(१ बिलाइनिफ़्राय)

नरेन्द्र मदिआ भारतनि मोनसे गोहो, बिथांखि फेजेन्न्ो हानाय जेबो गोहो गैया: मन्थि उर्खाव..

बिसायख 'थियाव बाहागो लाब्बाबो-लायाब्बाबो जुथाय हान्जाया जेबो जेंना सोमजिनाय नङ। बिथाङ बुंवावोदि, कक्राझार लक सभा बियाबाव बिपिएफ दोलोआ 1–2 लाख भटजों नैथि सारियाव थागोन। हाग्रामा महिलारीआ नरेन्द्र मदिजों थानायनि बाश्ना बुङे, नाथाय नरेन्द्र मदिजों इउपिपिएल हान्जायो दङ' आरो कक्राझारआव नरेन्द्र मदिआ ट्रेक्टआव फैगोन आरो बरपेयआव मडिआ मैदेराव फैगोन। लोगोसे फैगौ 22 एप्रिलनि उनाव जुथाय हान्जाया कक्राझार लक सभा बियाबनि थाखाय बिसायख 'थिनि फोसावदिंनाय हाबाफारिखौ जागायजेनगोन होन्नानै मन्थि उर्खाव गोरा ब्रह्मआ बुङे। गुबुन फार्सेंथिं, कक्राझार लक सभा बियाबनि जुथाय हान्जानि बिजाथि जयन्त बसुमतारिआ जुथाय हान्जानि मावथि, बिबानगिरिफोरखौ लानानै खुंनाय सावराय मेलाव बाहागो लानानै मेलनि जोबथायाव सालबारि फरायसालिमायाव गोदानै गायसन्नाय बङ'फा उपेन्द्र नाथ ब्रह्मनि मुसुखायाव बिबार बाउजौ फरायसालिमानि फरायसा खौसेंथि आफादजों सावरायलायो। बेनि गेजेरावनो फरायसालिमानि गोरगुं, फरायसा खौसेंथि आफादआ जयन्त बसुमतारिखौ अर'नाइजों दुंबुदयै बरायो। बेनि उनाव बिथाङ रुपहिआव नुजाथिहैनानै दोलोनि मावथिफोरजों बिसायखनथिनि थाक-थियारि खालामनायनि सोमोन्दै सावरायलायो। खौरं बिजोंनि सिगाडव जुथाय हान्जानि बिजाथि जयन्त बसुमतारिआ कक्राझार लक सभा बियाबाव देरहानाया रोखा होन्नानै बुङे। लोगोसे जुथाय हान्जाया गासै 70 जौखोन्दे भटजों देरहागोन होन्नानै बिथाङ बुङे। दरं-उदालगुरि लक सभा बियाबाव बिजेपि दोलो आरो बरपेययाव एजिपि दोलोखौ हेफाजाब होगोन होन्नानै बिथाङ बुङे। बिपिएफ दोलोखौ गोखों रावजों सोंखारिानाै बिथाङ बुङेदि, थानाय 15 बोसोराव बिपिएफनि दोलोर्यारि आरो गावयारि खामानि मावनायाव राइजो-राजाफोरा गोजोन गैयै जादों। बिपिएफ दोलोनि 15 बोसोर खुंथायाव बिटिसि ओन्सोलाव गोबां गोजोन गैयै दावराव-दावसिनि थासारि सोमजिदोंमोन। नाथाय प्रमद बर' दैदेन्नाय इउपिपिएलनि जुथाय हान्जानि सरकार दाफुंनायनि उनाव दावराव-दावसिनि थासारिया जोबखानानै गोजोननि थासारि फैफिन्दौ होन्नानै बिथाङ बुङे। गुबुन फार्सेंथिं, नब' कुमार शरनियानि सोमोन्दै खौरंगिरिनि सोंथिनि फिन्नायाव जयन्त बसुमतारिआ बुङेदि, नब' कुमार शरनियाआ गिबियावनो मुंथिसन लाइ गथायनो हायो ना हाया बेखै थि खालामनानै लानांगौ। दिनैनै बे हाबाफारियाव मन्थि उर्खाव गोरा ब्रह्म, कक्राझार लक सभा बियाबनि मिरुनि बिसायख 'थि सामब्लाय आफादनि आफादगिरि हेमचन्द्र नाथ ब्रह्म, मावफुं सोद्रोमा गौतम दास, बिजेपिनि दैदेनगिरि शरत शर्मा, धि्राज देउरि, एजिपिनि दैदेनगिरि मनमहन दास, इउपिपिएलनि दैदेनगिरि दिपक कुमार बसुमतारि, बिन्द मुसाहारी, बिखन गयारी, बारा' एमसिएलए चक्रधर दास, एमएलए फनिधर तालुकदारजों लोगोसे बिजेपि, एजिपि आरो इउपिपिएल दोलोनि गोबां दैदेनगिरि-मावथिफोरा बाहागो लानानै बिसायख 'थियाव जुथाय हान्जानि बिजाथिखौ देरहा होनो दावहा सोलो थियारि खालामो।

नरेन्द्र मदिखौ 3थि खेबनि थाखाय गाहाइ मन्थि खालामनो बिसायख 'थि गेलेगोन

अनगायै जेबो गैया। बे गोखों बाश्नाखौ बुंदों बिटिआरनि गाहाइ मावफुं सोद्रोमा आरो इउपिपिएलनि आफादगिरि प्रमद बर'आ। लकसभा बिसायख 'थिनि समआ खाथियाव सौफैनाय हिसाबै दासान्दि, गुबुन गुबुन राजखांन्थि दोलोफोरा गावबा-गावनि बिजाथिखौ देरहाहोनांगौनि थाखाय खामानि मावनो गुबुन गुबुन बियाबफोराव बिसायख 'थि सामलाय आफाद दागांसिनो थाखायखौ नुनो मोन्दौं। बेबायदिनो दिनैबो इउपिपिएल राजखांन्थि दोलोआ दरं-उदालगुरि लकसभा बियाबनि सिडव थानाय टंला आरो भेरगाव बियाबआव बिसायख 'थि सामलाय आफाद एबा इलेक्सन स्टारि कमिटिखौ दानानै लानाय जायो। बिसायख 'थि सामलाय आफाद दानाय हाबाफारियाव बाहागो लानानै बिटिआरनि गाहाइ मावफुं सोद्रोमा प्रमद बर'आ खौरं बिजोंनि गेजेरजों फैगौ लकसभा बिसायख 'थिखौ लानानै माखासे गोखों राजखांन्थियारि बिबुंथि होदों। बिथाङ फोरमायदोंदि, दरं-उदालगुरि लकसभा बियाबआव फैगांसिनो थाखाय बिसायख 'थिनि थाखाय एनडिएनि बिसायख 'थि फोसावदिंनाया गोखौडै सोलिगांसिनो दङ। थानाय 10 बोसोराव हादतनि गाहाइ मन्थि नरेन्द्र मदिआ हादतनि राइजो-राजाफोरनि थाखाय जेरैबायदि जौंगालु आरो अन्साइलु खामानि मावदों बेयो राइजो-राजाफोरनि गोसोखौ जै खालामनो हादों आरो राइजो-राजाफोरनि अन्नाय मोन्नो हादों। बेनिखायनो फैगांसिनो थानाय लकसभा बिसायख 'थिखौ नरेन्द्र मदिनि थाखाय गेलेगोन। दरं-उदालगुरि बियाबआव बिजाथिआ दिलीप शइकियाब्लाबो नरेन्द्र मदिनि थाखायनो बिसायख 'थिखौ गेलेनो थियारि जादों आरो नरेन्द्र मदिआनो हादतनि 3थि खेब गाहाइ मन्थि जानांगौ। मानोना जायनाखि आद्रा थानाय खामानि आरो जेंनाफोर दङ बेफोरखौ बोस्त्रांनो थाखाय गासैबो हारि-माहारिनि राइजो-राजाफोरा गाहाइ मन्थि नरेन्द्र मदिखौ 3थि खेबनि थाखाय फिन गाहाइ मन्थि खालामफिन्नो थाखाय थियारि जानानै दङ। ओन्सोलाव जौंगानाय, गोजोन थासारि, खौसेंथि लाखिनाय बेफोर गासै थॉखिखौ नोजोर होनानै एनडिएनि बिजाथि हिसाबै दरं-उदालगुरि बियाबआव दिलीप शइकिया आरो कक्राझार बियाबआव जयन्त बसुमतारिआनो देरहासाद जागोन होन्नानै फोरमायबावो गाहाइ मावफुं सोद्रोमा प्रमद बर'आ।

पर्वतझरा जिल्ला आफाद बिपिएफनि गार' सेल..

लानानै बायदि बायदि सावरायनाय मेल हाबाफारि लाबाय थानायखौ नुनो मोन्दौं। बेबायदिनो दिनै बिटिसिनि गोखों बेरेखा हान्जा बिपिएफ दोलोआ गुबुन गुबुन हारि-माहारिनि सेल दानानै लानाय बायदि गार' सेल बिपिएफनि मिरु आफादखौ दाफुंनानै लानाय जायो। पर्वतझरा जिल्ला आफाद बिपिएफनि बान्जायनायाव काजिगाव कमिउनिटि हलआव मोनसे हाबाफारि खुंनायनि गेजेरजों दिने बिटिसिनि गुबुन गुबुन ओन्सोलनि गार' हारिनि गासै दैदेनगिरि आरो राइजो-राजाफोरखौ लानानै बिपिएफ दोलोनि गार' सेलखौ दानानै लानाय जायो। दिनैनै बे गार' सेल दाफुंनायनि गेजेरजोंनो फैगौ लकसभा बिसायख 'थिआव कक्राझार आरो दरं-उदालगुरि बियाबनिफ्राय बिपिएफनि बिजाथि खाम्फा बरगयारि आरो दुर्गा दास बर'खौ देरहाहोनांगौनि थाखाय खामानि मावनांगौ आयदानि सायावबो गार' हारिनि दैदेनगिरि आरो राइजो-राजाफोरजों गुवारै सावरायज्जलायो। दिनैनै बे हाबाफारियाव पर्वतझरा बिटिसि बियाबनि एमसिएलए मुनमुन ब्रह्मआ बाहागो लानानै गावनि बिबुंथियाव बुङेदि, फैगौ लकसभा बिसायख 'थियाव बिपिएफनि बिजाथिखौ देरहाहोनांगौनि थाखाय बिटिसिनि साफ्रोमबो राइजो-राजाफोरा साखा-फारा जानानै दङ। बे हिसाबै बिपिएफनि बिजाथियानो लकसभा बिसायख 'थियाव कक्राझार आरो दरं-उदालगुरि मोननैबो बियाबआव देरहानाया रोखा जानानै दङ होन्नानै फैबाय थानाय समाव बिपिएफ दोलोआ बिटिसिनि गासै हारि-माहारिनि थाखाय फारफ्रोमबो बिथिडाव समान मोन्थाय आरो समान जौगाथायनि खामानि मावलांगोन होन्नानै फोरमायथियो। दिनैनै बे हाबाफारियावनो बाउखुंघ्रि बिटिसि बियाबनि एमसिएलए धनेश्वर गयारि, मिरु लाइमोन बिपिएफनि आफादगिरि रिन्जय बर', लाइमोन बिपिएफनि नेहाथारि कास्तम बसुमतारिजों लोगोसे बिपिएफ दोलोनि गुबुन गोबां दैदेनगिरि आरो मावथिफोराबो बाहागो लादोंमोन।

डिपफेकजों मैहुर जानांदों 4 रोजा फावखुंगुरफोरा

गुबुन मोनसे मुंदांखा ब्रिटिस खौरं बिजोंनि खेंफोरथि होनाय बायदिब्ला, डिपफेक वेबसाइटफोरनि गेजेराव बयनिखुइबो बांसिनै बाहायजानाय मोनबानि फोरमान बिजिरनानै फोसावदों बे ब्रिटिस खौरं बिजोङ। बिसोरो बुंदों, आर्टिफिसियेल इन्टिलिजेन्सनि हेफाजाबै गासै त्रै रोजा स्टार आरो मुंदांखा सुबुंफोरनि मोखांखौ पर्नग्राफिक इमेजजों सरजाबानानै होनाय जादों। नाथाय बिसोरनि मुंफोरखौ फोसावानाय जायखै।

जाय खौरं बिजोंआ बे हाबाखौ मावदों बिसोरो रंजाग्लबनानै फोरमायदों, बे मोनबा डिपफेक वेबसाइटनि भिडिअ 'फोर थाम दाननि गेजेरावनो 10 कौटि भिउ लाबोनो हादों। संदानगिरिफोरा बे हाबाखौ मानवो थानानै मोनसे रोखोमनि सोमोनांथाव मुवा नोजोर खालामदों। थानाय 2016 माइथायाव अनलाइनयाव मोनसेल' डिपफेक पर्नग्राफि भिडिअ' सिनायथिनो हादोंमोन। नाथाय 2023 माइथायनि गिबि माखासे दाननि गेजेराव मोन 40 नि बांसिन डिपफेक पर्नग्राफि वेबसाइटयाव 1 लाख 40 रोजा 733 भिडिअ' आपलड खालामनार्यनि फोरमान मोन्नानै सोमोानांनो गोनं जायो। अनलाइन सिफिकउरिटि आइननि बोसोन होनानै बे रोखोम मोनसे फसंथाननि सासे बुंथिगिरिया फोरमायनाय बायदिब्ला, आइन बेरेखा डिपफेकआ गोसो गात्रि मोनहोनाय आरो ख'हा गोनं। बे रोखोमनि मुवाखौ मा रोखोमै हेंथा गैयाजासे लान्थिन्थैनो फोसावजानो हादों बेखौ नायसंनार्यनि गोनांथि दं होन्ना बुङे। अनलाइन सिफिकउरिटि आइनखौ लानानै गोदानै सानफिन्नायनि बाश्ना बुदों बिथाङ। लोगोसे बे प्लेटफर्मयाव बे रोखोमनि कन्टेन्टफोर दिन्थिनायखौ बन्द' खालामनार्यनि बाश्नाबो बुंदों बुंथिगिरिया।

बिसायख 'थि समाव आखाइयाव क्रिकेट बेट लानानै फोथाराव मन्थि सर्बानन्द सनवाल

लकसभा बिसायख 'थिनि सिगां-सिगां बेरेखा जुथाय हान्जाखौ क्रिकेट बेट सिबनानै सांग्रांथि होदों मिरु मन्थि सर्बानन्द सनवालआ। बिजेपि मावफारिया अरुन्ज्यति मराननि बल खुबैनैयाखौ बेटजों बुनानै बिसायख 'थिनि फोसावदिंनायखौ जागायजेनो। बिथानि बे बेट सिबनाया खालिबोल' गेलेनाय नङ, फैगौ बिसायख 'थिनि थाखायबो मोनसे फोसावदिंनायखौ जागायनाय।

मैयानिफ्राय जागायनाय पिडब्लिउडि बिफाननि टिकादार आफादनि तिनिसुकिया जिल्ला कमिटि आरो जल जीवन मिसन टिकादार आफाद तिनिसुकिया जिल्ला कमिटिनि बान्जायनायाव माकुमनि रजनिकान्त बरदलै गेलेग्रा फोथाराव गिबिथि बोसोर सान-हर क्रिकेट बादायलायनायनि बेटि खालामनानै गेलेनायखौ जागायनानै होयो मिरु मन्थि सनवालआ।

मैया 22 मार्चनिफ्राय 27 मार्चसिम खुंनो गोनं गिबि बोसोर सान-हर क्रिकेट बादायलायनायाव आसामनि दाब-दाब जायगानि मोन 40 नि बांसिन गोजौ सारिनि टीमफोरा बाहागो लाफैदों। गेलेनायखौ जागायनाय समाव मिरु मन्थि सनवालजों लोगोसे श्रम मन्थि सन्जय किषान, डिगबैनि एमएलए सुरेन फुकन, मरान अटन'मास काउन्सिलनि गाहाइ खुंगिरि अरुन्ज्यति मरानजों लोगोसे गेलेगिरिफोर, खुंफुं आफादनि सोद्रोमाफोराबो बाहागो लायो।

आसाम आरो सा-सान्जा राइज्योफोराव रोजा अखा आरो बारहुंखानि सांग्रांथि फोसावदों ..

समनि गेजेराव भारतनि गोबांथार ओन्सोलफोरावनो रोजा अखा हानायजों लोगोसे हाजो ओन्सोलफोराव रोजा बरफ गोर्लैदों। बेबायदिनो अरुणाचल प्रदेश, सिक्किम, आसाम आरो सा-सान्जानि माखासे राइज्योफोराव अखा हाबाय थादों। 24 मार्चनिफ्राय 29 मार्चसिम आसामजों लोगोसे सा-सान्जानि माखासे राइज्योफोर फारियै- अरुणाचल प्रदेश, मेघालय, नागालेन्ड, मनिपुर, मिजराम आरो त्रिपुरयाव रोजा अखा हानायजों लोगोसे गोखों बारहुंखा बारगोननि सांग्रांथि होदों बोथोर बिफानआ।

फैगौ सानबासोनि गेजेराव जर'खायै अरुणाचल प्रदेश, सोनाब बंगनि सा ओन्सोल, सिक्किम, आसाम आरो मेघालयआव बांसिनै रोजा अखा हागोनखौ मिबथिहोदों बोथोर बिफानआ। मख'नाय सानफोराव अरुणाचल प्रदेश, आसाम, मेघालय, नागालेन्ड, मनिपुर, मिजराम आरो त्रिपुरयाव टेम्पारेचारनि जखाथिआ 1–3 डिग्री सेल्सियसिम थाफैनो हागौ। बेनिखायनो 24 मार्चनिफ्राय 19 मार्चसिम आसामजों लोगोसे सा-सान्जानि गासै राइज्योनि थागिबि सुबुंफोरखौ अखा हानाय आरो बारहुंखानि फार्सें सांग्रांडै थानो थाखाय खावलायहरदों।

बड'लेन्ड मुलुग सोलोंसालि बर' बिफानआ बारग' फरायसाफोरनि लोगो हमज्लायनाय हाबाफारि ...

लोब्बा लाखिनानै 37थि गंगोना थुनलाइआरि जथुम आरो राव बिगियाननि मुधुराम बर' गोसोखां सान फालिथायखौबो खुंनाय जादों। दिनैनै बे हाबाफारिनि बायदियै फुंबिलि समाव रूंसारि मुधुराम बर'नि सावगारिआव बिबारजों मान बाउनायजों लोगोसे थुनलाइआरि आयदानि सायाव गुवारै सावरायज्जलायनाय हाबाफारि लानाय जायो। सावरायनाय हाबाफारियाव गाहाइ आलासि महैरे बाहागो लायो एकथिनिया नायजाबनि महरगिरि बिनेन बसुमतारिआ।

हाबाफारियावनो बाहागो लाबावो बड'लेन्ड मुलुग सोलोंसालिनि बर' बिफाननि गाहाइ ७ भमिक चन्द्र बर', प्रफेसार इन्दिरा बर', बड'लेन्ड मुलुग सोलोंसालिनि बर' बिफाननि बारग' फरायसा बिफाननि आफादगिरि ७ बिजितगिरि बसुमतारि, गाहाइ नेहाथारि मिथिंगा बसुमतारि आरो बड'लेन्ड मुलुग सोलोंसालिनिनो बर' बिफाननि सा 100 नि बांसिन फरायसाफोरा बाहागो लानानै हाबाफारिखौ जाफुंसार होयो।

कक्राझारआव इण्डियान उइमेन लीग–2 फुटबल बादायलायनाया दिनैनिफ्राय...

सहैनो हायो। गुबुन फार्सेंथिं, दिनें खुंनाय लीगनि नैथि मेचआव पन्दुचेरि एफसिआ 1–0 गलनि फारागथियाव दिल्लीनि गरवाल इउनाइटेड एफसिखौ फेजेन्नो हायो। मख'नो गोनांदि, कक्राझार साइ स्टेडियामाव दिनैनिफ्राय जागायजेन्नाय इण्डियान उइमेन लीग–2 फुटबल बादायलायनायाव गासै मोनबा हान्जा फारियै-पन्दुचेरि एफसि, मुम्बाइ नाइस्स एफसि, दिल्लीनि गरवाल इउनाइटेड एफसि, बिहारनि एआइपिएल एफसि आरो कक्राझार साइ क्लाबआ बाहागो लायो। बे मोनबा हान्जानि गेजेराव गासै मोन 10 लीग मेच खुंनाय जागोन।

कक्राझारआव खुंनाय इण्डियान उइमेन लीग–2 नि बेखेवनाय हाबाफारियाव गाहाइ आलासि महैरे बाहागो लायो साइनि बारग' रिजनेल बिथोनगिरि सुभाष बसुमतारिआ। गुबुन फार्सेंथिं, कक्राझार साइ स्टेडियामाव दिनैनिफ्राय जागायजेन्नाय फाटबल बादायलायनायखौ लैहोर-लैहोर फैनानै नायफैनो थाखाय बयनिसिमबो खावलायहरो साइनि बारग' रिजनेल बिथोनगिरि सुभा। बसुमतारिआ।

टंलायाव फोरोंगिरि फोरोंथाइ आरो मावबादा हाबाफारिया जोबलांबाय

फोरोंथाइ आरो मावबादानि दिनें 2थि एबा जोबथा साननि हाबाफारियाव बिटिआरनि गाहाइ मावफुं सोद्रोमा प्रमद बर'आ गाहाइ आलासि महैरे बाहागो लाफैदों। बड' इडुकेशनेल ट्रस्ट आरो ससाइर्टिनि बान्जायनायाव फोरोंगिरिफोरनि फोरोंनार्यनि आदब आरो कौशलफोरखौ साबसिन खालामनार्यनि थॉखिजों खुंनाय बे हाबाफारियाव बाहागो लानानै गोजोन्नाय फोरमायदों बिटिआरनि गाहाइ मावफुं सोद्रोमा प्रमद बर'आ। लोगोसे बेबायदि हाबाफारि लानार्यनि थाखाय बड' इडुकेशनेल ट्रस्ट आरो ससाइर्टिनिसिम साबायख'र जासिदों। हाबाफारियाव बाहागो लानानै बिटिआरनि गाहाइ प्रमद बर'आ गावनि बिबुंथिनि गेजेरजों बे फोरोंथाइ बादायाव बाहागो लाफैनाय साफ्रोमबो फोरोंगिरिफोरखौ थॉखिनानै फरायसाफोरनो सोलोंथाइ होनाय एबा फोरोंथाइ होनायाव गावखौ बाउसोमनो आरो फरायसाफोरनो गुन गोनां सोलोंथाइ होनायजों लोगोसे हालामाव गोग्गो सोलोंथाइनि आबहावा थासारि दानायाव बाहागो लानो फोरोंगिरिफोरखौ खावलायो। गावनि बिबुंथिनि गेजेरजों बिटिआरनि गाहाइ बर'आ फैबाय थानाय समाव बेबायदि फोरोंगिरिफोरनि फोरोंथाइ बादा लानार्यनि गेजेरजों फोरोंगिरिफोरनि फोरोंनाय आदब, खायदा आरो कौशलफोरखौ बांहोनायनि थाखाय बेबायदि हाबाफारिखौ लालांनो बिटिआर सरकारनिफ्राय हेफाजाब होगोन होन्नानै खोथा होयो।

दुलाराइ आसाम गरिया मरिया देशि जातिय परिषदआव बेले-बेजे

कमिटिनि आफादगिरि सेलिम पाटगिरिखौ आफादनिफ्राय एरख'नायाव बिटिआर नाडैनो गोखों फिनजाथाय सोमजिदों। मख'नो गोनांदि, दुलाराइ आसाम गरिया मरिया देशि जातिय परिषदआ बावैसो सिगां बिटिआर क-अर्डिनेसन कमिटिनि आफादगिरि सेलिम पाटगिरिखौ जेबो जाहोन दिन्थिनाय फोरमायथि होया लासेनो हरखाबै आफादनिफ्राय एरख'नार्यनि लाइजाम दैथायहरो। जाउनाव आफादनि जेंनाफोरनि थाखाय गारं देखांबोनाय गोखों दैदेनगिरि सेलिम पाटगिरिखौ आफादनिफ्राय एरख'नायखौ पाटगिरिजों लोगोसे कक्राझार जिल्ला आफादआ गोरलैयै लानो हायाखै। आफादनिफ्राय हरखाबै एरख'नायखौ सोमोनांनाय पोरमायनानै सेलिम पाटगिरिआ गावनि हेंथायै गिदिर खैसार खालामदों होन्नानै फोरमायो। बिथाङ राइज्योआरि आफादनि बे हाबाखौ गोखों रावजों सोंखारिानाै आफादनि दैदेनगिरिफोरा गावनि गोसो बादियै दोलो सालायनाय आरो आफादनि नेम-खान्थिफोरखौ सिमफायनायनि गोखों अजद दैखाङे। गुबुन फार्सेंथिं, दुलाराइ आसाम गरिया मरिया देशि जातिय आफादनि बिटिआर क-अर्डिनेसन कमिटिनि आफादगिरि सेलिम पाटगिरिखौ आफादनिफ्राय एरख'नायखौ लानानै दिनें गोखों फिनजाथाय होदों कक्राझार जिल्ला आफादआ। कक्राझार जिल्ला आफादनि लोगो नेहाथारि साइफुल सेख आरो लेङइ आफादगिरि राकिबुल आहमेदआ मुंसाय होनाय गांसे बिबुंसारनि गेजेरजों सेलिम पाटगिरिखौ आफादनिफ्राय एरख'नायखौ गोखों रावजों सोंखारिानाै राइज्योआरि आफादनि बे बायदि हाबाया संबिजरनि बेरेखा होन्नानै फोरमायो। बिबुंसारआव कक्राझार जिल्ला आफादआ दिनें बरुवापाराआव मोनसे मेल खुंनानै राइज्योआरि आफादनि माखासे दैदेनगिरिफोरा गोसो बायदियै आफादखौ सामब्लायनायनि अजद दैखानांनै कक्राझार जिल्ला आफादआ जथायै बिबान नागरानार्यनि थॉखि लानाय जायो होन्नानै फोरमायदों।

केजरिवालआ गावनि हाबा मावनायनि फिथाइखौसो मोनजादों, हमजानायनि उनाव...

मोनजाबाय। मोनसे समाव जौनि हेंथायै बाश्ना बुंबोदों, आरो दा जौखौ लानानै नेमखान्थि बाहायदों। केजरिवालनि हमजानार्यनि फिनजाथाय होनानै समाज सिबियारि हाजारेआ बुंदों, जोङे केजरिवालनि हाबा-हुखाफोरखौ लानानै जोबोरैनो गोसो बायरिलयो। बियो जोंजोंनो हाबा मावबोदोंमोन, जौनि हेंथायै बेरेखा खालामबोदोंमोन आरो दासादिन्ड गावनो लिकार-पलिसि बानायदों। गेनाखांन्थिनि हेंथायै सोमावसारनानै फैनाय आन्नाआ बुंवावयोदि, केजरिवालआ मोनसे समाव जौनि हेंथायै हाबा मावनानै जोंजों लोगोसे आवाज दिखांफादोंमोन। नाथाय दासान्दि बियो जौनि नेमखान्थि बानायनानै गावनो हमजानो गोनां जाबा, बेयो गावनि मावनाय हाबानि फिथाइ।

2010 माइथायनि जागायजेन्नायाव मिरुयाव कंग्रेस सरकारनि समाव हादतआव गेना हेंथा लकपाल आइन लाबोनार्यनि दाबि खालामनानै आन्ना हाजारे आरो अरबिन्द केजरिवालआ सानैजोंनो गोबां खेब आन्थोर जयै अनशन खालामबोदोंमोन। बिसोर सानै दैदेनगिरिनि दैदेन्नायावनो गोबां सुबुंफोरा सोमावसारनायाव बाहागो लाफैदोंमोन। सोमावसारनाया जोबनानै फैनार्यनि उनाव केजरिवालआ 'आम आदमी पार्टि' एबा 'आप' दोलो दायो। आन्ना हाजारेआ नाथाय अरायसम गावनि सोमावसारनायाव जाहाथे मोनबो रोखोमनि राजखांन्थियारि सायखं गोर्लैदेरा बेनि थाखाय नाजाबोबाय थायोमोन। बेखायनो हाजारेआ केजरिवालनि 'आप' पार्टि दानायाव गोजोन्नाय मोनाखैमोन। मख'नो गोनांदि, दिल्लीनि आबगारि जाथायनि सायाव सॉनो थाखाय थानाय नभेम्बरनिफ्राय खेब 9 केजरिवालनि हेंथायै समन जारि दैथायरदोंमोन मिरुनि गौथुम एनफर्समेन्ट डिरेक्टरेट (इडि) आ। इडिनि बे समनखौ बिथाङा खेबफ्रोमावबो एरायनानै थादोंमोन। बे खेबावबो केजरिवालआ इडिखौ एरायनानै थानो नाजादोंमोन। समबारखालि बिथाङा हमजानार्यनिफ्राय बारगनो आइनारि रैखाथि नागिरनानै दिल्ली हाइ कर्टयाव आर'जलाइ गथायदोंमोन। बे सानखालिनो बिथानि आर'जआ नेउसिगारजायो। बेनि उनाव बृहस्पतिबार हराव ग्रेप्टार जायो दिल्लीनि गिबि मन्थि अरबिन्द केजरिवालआ।

मस्कनि सेन्ट्रेल कन्सार्ट हलआव उतखारिनि हामला, सा 1 1 5 थैबाय

नाजागांसिनो दङ नायसंदान हान्जाया। बेराफारसे बे गार्लोबनार्यनि थाखाय समबाराव खुंनो गोनां रासिया आरो पारागुवेनि फ्रेन्डलि फुटबल मेचखौ दोन्थ'नो फोसावदों खुंथाया।

मस्कनि कन्सार्ट हलआव गार्लोबनार्यनि उनावनो बे जाथायनि दायखौ सिमान लाहरदों इस्लामिक स्टेट गुपआ। गार्लोबनार्यनि दाय सिमान लानानै इस्लामिक स्टेट गुपआ फोरमायदों, गावसोरनि दावहारुफोरा मस्क नोगोरजों नांजाबनानै थानाय मोनसे कन्सार्ट हलनि बाइजोयाव 'ज' जानानै थानाय गोबां सुबुंफोरनि सायाव गार्लोबो। बेनि उनाव खैफोद-आफाद गैयाजासे गिदिंबोफिन्नो हायो। बे मुगैथाव रोखोमै गार्लोबनाय जाथायखौ गोखों रावजों सोंखारिदों रासियानि गुबुन हादतआरि मावख' आ।

लोगोसे नायसंदान्नायखौबो जागायदों रासियानि संदान गौथुमआ। सुलुंनिफ्राय मिबथिनो मोन्नाय बायदिब्ला, सान्थि हान्जानि जि गान्नानै गार्लोबग्ना उतखारिफोरा कन्सार्ट हलनि सिडव हाबलांदोंमोन। बेनि उनावनो गुलि गावग्लुंबाय थायो आरो ग्रेनेडबो खुब्रैबाय थायो।

गार्लोबनार्यनि सावगारि नुजानाय बायदिब्ला, हल सिडव गुलि आरो ग्रेनेड गावनायजों ब्लाउ-ब्लाउ अर जोंदोंमोन। गार्लोबनार्यनि खौरं मोन्नाय लोगो-लोगो रासियान सान्थि आरो बोखांग्रा हान्जाया फैनानै जोखोम जानाय सुबुंफोरखौ बोखांफैयो। बे गिदिर गार्लोबनाय जाथायखौ गोखों रावजों सोंखारिदों भारतआ। बे खैफोदिनि समाव 'लोगो' रासियानि सेरव गर्सफोन बाश्ना फोरमायहरदों भारतआ। एक्स हेन्डेलआव पस्ट खालामदों गाहाइ मन्थि नरेन्द्र मदिआ।

बेराफारसे, मस्कनि क्रोकस सिटि हल कन्सार्टयाव उतखारि गार्लोबनाय जाथायनि सायाव इउक्रेनआ गावसोरनि फिनजाथाय होदों। इउक्रेनिनि सासे सान्थि सुरां एजेन्सिनि बुंथिगिरिया मस्कयाव गार्लोबनाय बे जाथायाव इउक्रेनआ लोब्बा गैया होन्नानै बुङे। रासियानि एफएस्बिनि रैखाथि सिबिथाया बुंनाय बायदिब्ला, मस्कनि खाथि कन्सार्ट हलआव गार्लोबनाय साब्रेबो उतखारिफोरखौ इउक्रेन सिमना फारसे थांबाय थानाय समाव हमनो मोन्नाय जायो। बिसरो इउक्रेनजों सोमोन्दो थानायखौ बेनिफ्रायनो हमदांनो हायो होन्नानै बिबानगिरिया बुङे। एफएस्बिनि बे बिबुंथिखौ नंखाय होन्नानै बे जाथायजों इउक्रेनहा जेबो लोब्बा गैया।

गुबुन फारसे, दिनें क्रेमलिननिफ्राय बुंनाय जादोंदि, कन्सार्ट हलआव गुलि गावग्लुंनायजों बाङइनिबो सा 143 सुबुंफोर जिउ गोमादों। बे खौरंखौ रुसनि सरकारि टिभि सुजुगिरि मार्गरिता सिमनियनआ फोरमायदों।

निशा बानीआ दिलजीत दिसान्सजो जुलि जानायनि खौरांखौ नंखाय बुंदो

दिलजीत दिसान्सआ गावनि स्टाइलनि थाखाय मुंदांखा। बिथाड गोबां समावने गावनि जिउ राहायारि आरो गावनि हावारि जिउखौ लानाने सावरायजाबाय थायो। आधिखालाव बिथाड गावनि जुलिखौ लानाने सावरायजागासिनो दड। बिथानि जुलिन खौरांआ सशेल मिडियाआव गोखैये भाइरेल जागासिनो दं। फावखुंगुरनि जुलिन सावगारिफोर बयनिबो गोसोखौ बोनो हादो। सशेल मिडियाआव फोरमायनाय खौरांफोरनि बायदिल्ला,



दिलजीत दिसान्सआ पान्जाबि मेथाइ रोजाबगिरि निशा बानीजो जुलि जाबाय। बिसोर सानैनि मोनसे सावगारिया भाइरेल जागासिनो दड। बे सावगारियाव बिसोर सानैखौ हौवा गोदान आरो हिन्जाव गोदाननि महयव

नुनो मोन्याय जादो। बेल'नड, बेखौबो बुंन्याय जागासिनो दडदि, दिलजीत दिसान्सआ सासे फिसाज्लाबो दड। बे गासैबो खौराडा कियारा आडभाणीनि मोनसे गोजाम मोगा-मोगियाव फोरमायदो।

जागायजेन्दोमोन। आधिकालाव रोजाबगिरि निशा बानीआ दिलजीत दिसान्सजो गावनि जुलिन सायाव माखासे बाथा फोरमायदो। निशा बानीआ गावनि इन्स्टाग्राम एकाउन्टआव दिलजीत दिसान्सनि गोबां भिडिअ आरो सावगारिफोर शेयार खालामदो। मोनसे सावगारियाव निशा बानी आरो दिलजीत दिसान्सखौ जुलिन गान्नाय-जोमनायाव नुनो मोन्याय जादो। गुबुन मोनसे सावगारियाव दिलजीत दिसान्सनि खाथियाव सासे उन्दै गथ'साखौ नुनो मोन्याय जादो, जाय गथ'साखौ

सुबुंफोर दिलजीत दिसान्सनि फिसाज्ला बुंदो। बे सावगारिफोर आरो भिडिअफोरखौ शेयार खालामनाने निशा बानीआ सैथोखौ फोरमायदो। निशा बानीआ केप्सनाव लिरेदोदि, सोरबा अंनावबो सौ। बिथामोना आंखौ आलादा सुबुंनि बिसि बुंदो। बे खौराडा भाइरेल जागासिनो दं आरो सुबुंफोर आंखौ भिडिअ आरो सावगारिफोर टाग खालामगसिनो दड। पान्जाबी सुबुंफोर मिथिगोदि, अं समीर माठीनि बिसि, नाथाय बेबाथाखौ बलिउडनो सोर बुजायगोन।

फावखुंगुरि एमिली रताजकस्कीआ मोनसे गोदान ट्रेन्ड सेट खालामदो



ग्लेमर मुलगाव फावखुंगुरि आरो फावखुंगुरिफोरनि जुलि आरो फाथैलाय बिसिनायफोरा गोबां सावरायजाबाय थायो। आधिखालाव फावखुंगुरि एमिली रताजकस्कीआ मोनसे गोदान ट्रेन्ड लाबोदो। बिथानोआ गावनि क्लिपटिभटोखौ बाहावनाने गावनि इनगेजमेन्टनि आस्थामखौ मोनसे गोदान लुख होनाने गावनि फाथैलाइ बिसिनायजो सोमोन्दो गोनां आस्थाम महरै गान्दो। मिथिहोनाय जायोदि, फावखुंगुरिआ 2022 माइथायाव फावखुंगुरि-दिहुनगिरि सेबासटियान बेयार-मेकक्लाडेजो फाथैलाइ बिसिदोमोन। आधिखालाव एमिली रताजकस्कीआ गावनि फाथैलाइ बिसिनायनि बागै खुलायै सावरायगासिनो दड। बिथानोआ बावैसो सिगां मोनसे सावगारि शेयार खालामदो, बे सावगारियाव बिथानोखौ गावनि इनगेजमेन्टनि आस्थामखौ मोनसे गोदान डिजाइन होनाने गान्नाय नुनो मोन्दो। बे भाइरेल जानाय सावगारिनि सायाव फावखुंगुरिआ भगनो होनाय मोनसे मोगा-मोगियाव फोरमायदोदि, बे आस्थाम बिथानोनि गावनि जौगानायखौ दिन्थियो। बिथानोआ फोरमायदोदि, आं सानादि सासे आइजोआ गावनो होनाय हीराखौ हौवाजो फाथैलाइ बिसिनायनि उनाव गान्दो नाडा। एमिली रताजकस्कीआ फोरमायबावदोदि, गावनि इनगेजमेन्टनि आस्थामखौ मोनसे गोदान डिजाइन होनाने गान्नाय आस्थाम बिथानोखौ मोन्दोहोयोदि, बिथानोआ सिगांनिफ्रायबो बांसिन खुसियै थानो हायो। फावखुंगुरिनि बे रस्टखौ माखासे अन्सायगिरिफोर मोजां मोन्दो आरो गुबुन माखासे अन्सायगिरिफोर मोजां मोनाखै।

उर्भषि रौतेलाआ गावनि मिस इडनिभार्स बादायनायनि सायाव फोरमायथि होदो

उर्भषि रौतेलाआ गावनि बिबुंथिनि थाखाय सोराडव फेदो। बिथाड सुभिता सेननि सोमोन्दै माखासे गोसो बोनो हाथाव फोरमायथि होदो। बावैसो सिगां उर्भषि रौतेलाआ गावनि सिगां समनि सानफोरनि सोमोन्दै माखासे गोसो बोनो हाथाव बाथा बुंदो। उर्भषिआ खेबने मिस इडनिभार्स जानो हानाय सासेल' भारतयारि। नाथाय बेनि आन्दोआव मोनसे जाहोन दं आरो बेयो जाबाय सुभिता सेन। उर्भषिआ 2012 माइथायाव भारतनिफ्राय मिस इडनिभार्स बादायलायनायाव बाहागो लादोमोन। फावखुंगुरिआ फोरमायदोदि, 1994 माइथायाव मिस इडनिभार्स देरहानो हानाय सुभिता सेनआ माबोरै बिथानोखौ 2012 आव मिस इडनिभार्स इन्डियानि थाखाय देरहागिरिनि बादायलायनायनिफ्राय ओंखारसो थिन्दोमोन। बै समाव डनाल्ड ट्राम्पआ मिस इडनिभार्स बादायलायनायखौ खुडोमोन। प्रडाक्सन आरो सुभिता सेननि कम्पानीआ भारतनि बादायलायनायनिफोरखौ सायख'गासिनो दडमोन मानोना फेमिना मिस इन्डियाआ बे बादायलायनायनिफोर 1य



ओंखारबायमोन। उर्भषिआ फोरमायदोदि, जेव्ळा आं 2012 आव गिबि खेबनि थाखाय मिस इडनिभार्स देरहादोमोन अब्ळा बै बादायलायनायनि थाखाय बेसोनि सिमना दडमोन। बै सिमनाया 18 बोसोस्मोन। आं 18 बोसोर जानो थाखाय 24 सान दंबावोमोन। बेनि जाहोनाव

सुभिता सेनआ आंखौ बुंदोमोनदि, उर्भषि नो बादायलायनो थाखाय थानो हानाय नडा। बै समाव आं आंखौ सासे जेन्नाने थानाय सुबुं बादि मोन्दोदोमोन। 2015 माइथायाव उर्भषिआ फिन खेबसेबाव मिस दिभानि थाखाय खुंन्या मिस इडनिभार्स इन्डिया

बादायलायनायाव बाहागो लादोमोन। उर्भषिआ फोरमायदोदि, जेव्ळा गुबुन बादायगिरिफोरा बिथानोखौ बेयाव नुदोमोन अब्ळा बिथानोहो बिथानो सासे बिजिरगिरि जागोन होन्नाने सान्दोमोन। बिसोरनि गेजेरव रावबो उर्भषि रौतेलाजो बादायलायनो लुबेयाखैमोन।

मेरिकमआ पेरिस अलिम्पिकआव भारतनि कामानखौ सामलायगोन

गोदान दिल्ली, 23 मार्च: सोलिफु बोसोयवने जानो गोनां पेरिस अलिम्पिकनि थाखाय भारतीय गेलेगिरिफोरा गोखौ थियारिखौ जागायबाय। बेबादि थासारियावनो भारतीय हान्जाखौ देदेनगोननि सायाव मोनसे खौराड सोरखव फेदो। मुंदांखा टेबल टेनिस गेलेगिरि आरो कम्पनवेल्थ गेम्सनि सेम्पियन शरत कमलखौ पेरिस



अलिम्पिकआव भारतनि फ्लेग बियावर बिबानआव थिसन्यानि

अनगायै एमसि मेरिकमखौ भारतीय हान्जाखौ दैदेनो बिबानआव

थिसन्दो। मख'नो गोनोदि, सोलिफु बोसोरनि अलिम्पिकआ 17 सानसिम सोलिगोन। बे गेम्सआ फेगो 26 जुलाइनिफ्राय 11 आगस्टसिम सोलिगोन। मेरिकमखौ भारतीय हान्जानि गाहाइ देदेनगिरि थामहिनबा शेफ दि मिसननि गेजेरजो बिबानआव थिसन्याय जादो। बे समाव अलिम्पिक ब्रज मेडलिस्ट शूयार

गाहाम देहानि राहा

तुलसिनि बिलाइ आरो बेगरफोराबो सावस्त्रिनि थाखाय मुलाम्फा गोनां

हिन्दु धोरामावल' तुलसि बिफाड मोनसे गोजो जायगा मोनाखै नाथाय आयुर्वेदावबो तुलसिआ जोबोद गोजो थावनियाव दं। गुबैयै, तुलसि बिलाइ जानाया सावस्त्रिनि थाखाय मुलाम्फा गोनां। बेखौ मुलियारि गुनफोरनि मोनसे धोन होन्ना मानिनाय जायो, बेनि बिलाइफोरा गोरलैयैनो गुजुनायफोरखौ होबथानो हायो। नाथाय नोंथाड मिथियो ना तुलसी बिलाइयाल' नड बेनि बेगरफोराबो सावस्त्रिनि थाखाय जोबोद मुलाम्फा गोनां। बेफोराव फाइबार, प्रटीन आरो आयरनखौ गोबां मोन्याय जायो, जुदि बेफोरखौ मोजाडै बाहायनाय जायोब्ला बेफोरो सावस्त्रिनि थाखाय गोबां मुलाम्फा होनो हागौ। तुलसिनि बेगरफोरा माखासे जेनाफोराव गोहोम गोनां। बेफोर जाबाय-1. होबथानो हानाय गोहोखौ गोखौ खालामो: तुलसिनि बेगरफोरा लोरबांखौ होबथानो हानाय गोहोखौ गोखौ खालामो। होबथानो हानाय गोहोआ गोखौ जानाया जेखौ गोबां बेराम आरो सन्देरनायनिफ्राय रँखा खालामो। बेबादि थासारियाव नोंथाड नोंथानि लोरबां होबथानो हानाय गोहोखौ



गोखौ खालामनो थाखाय तुलसि बेगरनि मुलिफोरखौ लोनो हायो। 2. जाग्रा आदारनि गोहोआ साबसिन जागोन: जुदि नोंथाड उदैन जेनाफोर जेरे-एसडिडि आरो गेसनि जेनाफोर दं अब्ळा तुलसि बेगरफोरा नोंथानि थाखाय मुलाम्फा गोनां। गिलाससे दैयाव सामुससे तुलसि बेगरखौ सोमनाने दोन्ना लोनंगौ। बेदखौ लोनाना नोंनि डाइजेसनखौ साबसिन खालामो। 3. लिटरथाइखौ बाडाइ खालामनाय: जायफोरा गावसोरनि बांलानाय लिटरथाइजो जेनायाव गोरलैयो बिसोरनि थाखाय तुलसिनि बेगरआ संजाभि मुलि बिफांजो रोखोमसे जानो हागौ। गुबैयै बेयाव फाइबार मोन्याय जायो आरो केलरिफोरा जोबोद बाडाइ। बेबादि थासारियाव बेनि बेगरफोरखौ जानाया गोबाव समसिम उखैनाय लाबोआ,

जायनि जाहोनाव नोंथानि लिटरथाया लासै-लासै खमायलाडो। 4. कनस्टिटेसननिफ्राय रँखा मोन्याय: तुलसि बेगरफोराव थानाय फाइबारा नोंथांखौ कनस्ते जेशन बायदि जेनाफोरनिफ्राय गोखै रँखा होयो। बेखौ जानाया नोंनि उदैन सावस्त्रिनि थाखाय जोबोद मुलाम्फा गोनां। बेखौ जानाया नोंथानि जाग्रा खाथिखौ गोखौ खालामो। बेबादि थासारियाव जुदि नोंथानि उदैया साफा नड, अब्ळा थारैनो बेखौ लोनंगौ। 5. ब्लाड सुगारखौ सामलायनाय: तुलसि बेगरफोरा डायबेटिक बेरामिफोरनि थाखाय मुलाम्फा गोनां। बेखौ जानाने नोंथानि ब्लाड सुगारखौ सामलायनायाव मदत होयो। बेयाव थानाय गोबां निउट्रियेन्टफोर आरो खनिजफोरा सावस्त्रिखौ मुलाम्फा होयो।

मनिषा रानीआ गावनि बिबैजो सावराय-ज्वायनाय मोनसे क्लिपआ भाइरेल जादो

'झलक दिखला जा 11' स्व'नि देरहागिरि मनिषा रानीआ गोबां समावनो सावरायजाबाय थायो। बिथानोखौ गोबां समावनो सेलेब्रिटीफोरजो फ्लार्ट खालामनाय नुनो मोनो। आधिखालाव फावखुंगुरिआ जुलि जानो गोसो। बिथानोनि मोनसे भिडिअआ सोराडव फेदो, जेराव बिथानोखौ जुलिन सोमोन्दै रायज्वायनाय नुनो मोन्दो। बिथानोआ भ्लगिं खालामबाय थानाय समाव गावनि बिबैजो रायज्वायनायनि मोनसे क्लिपआ बाइरेल जागासिनो दड। बे क्लिपआव मनिषा रानीआ गावनि बिबैनियाव माव्ळा हाबा जानांगौ होन्ना सोंदो। बेनि फिन्यायखौ होनाने बिबैआ बुंदोदि, अन्नाने नै बोसोरनि उनाव खालाम। बे समाव मनिषा रानीआ हाबा जानो थाखाय



हौवाबोथ' नागिरनांगोन होन्ना बुडो। बेनि फिन्याय होना बिबैआ बुडोदि, हौवायाथ' गोबां दड। बेखौ खोनानाने बयबो मिनियो। बेनि उनाव मनिषा रानीआ बुडोदि, बुंनयाथ' हौवाफ्रा गोबां दं। नाथाय आंनि जिउआव रावबो हौवा गैया। आधिखालनि जुगआव रावबो अना, अनज्वायनाया


जोबस्रानाया दासिमबो दं। मनिषा रानीआ गावनि बिबैनो अजद होयोदि बिथानोआ रावबो हौवाखोनो नागिरनाबो मोनाखै। अब्ळा बिबैआ बुडोदि, नों जुलिन खोथाखोनो रायज्वायाखैब्ला माबोरैथो हौवा मोनगोन। बिबैआ फावखुंगुरिखौ हौवाफोरजो लोको जानो आरो सोमोन्दोखौ खाथिसिन

खालमना लानो थाखाय बोसोन होयो। बेनि सायाव मनिषा रानीआ बुडोदि, आबे आधिखालाव रावबो थारगोसोजो अनग्रा गैलिया। मनिषा रानी आरो बिथानोनि बिबैनि गेजेरव जानाय बे सावरायज्वायनायखौ नख'रनि सोद्रोमाफोरजो लोकोसे अन्सायगिरिफोरबो जोबोद मोजां मोन्दो।

एमि जेक्सनआ गावनि इनगेजमेन्टनि माखासे सावगारि शेयार खालामदो

एमि जेक्सनआ माखासे सम सिगां सशेल मिडियाआव गावनि रादाय खानायनि मोजां खौरांखौ शेयार खालामदोमोन। आधिखालाव फावखुंगुरिआ एनगेजमेन्ट डिनार पार्तिनि मोनसे समाइना सावगारि

शेयार खालामदो। फावखुंगुरि एमि जेक्सनआ फावखुंगुरि एड वेस्टविकजो एनगेजमेन्ट खालामबाय। बावैसो सिगां फावखुंगुरिआ गावनि एनगेजमेन्टनि डिनार खालामदो। बे सावगारियाव जाग्रा



गगन नरंआ शुटिरेज्जआव भारतीय हान्जानि कामानखौ दैदेनगोन। मानोना गाहाइ अलिम्पिक थावनिनिफ्राय शुटिरेज्जआ माखासे जान्थाय गोजानआवसो खुंफुंजायो। बेबादि थासारिआव बिथाडबो गिदिर भारतीय शुटिरे हान्जाखौ दैदेनगोन। मानोना दासिमआव हदरनिफ्राय शुटिरेज्जआव मोन 19 अलिम्पिककथा मोनफुंनो हाबाय।

आदारफोरजो लोकोसे एमि जेक्सन आरो एड वेस्टविकनि रमान्दिक स्टाइलखौबो नुनो मोन्याय जादो। बे सावगारियाव बिथानोखौ एड वेस्टविकजो मोनसे रमान्दिक मोसानाय नुनो मोन्याय जादो। नैथि सावगारियाव मोनसे डिनार टेबोल नुनो मोन्याय जादो, जायखौ बिबार, ममबाथि, लाइफोरजो मोजाडै साजायनाय

नुनो मोन्दो। थामथि सावगारियाव एमि जेक्सनखौ गावनि फिसाज्ला एन्ड्रियासनि आखाइखौ हमना थानाय नुनो मोन्दो। एमि जेक्सन 29 जानुवारीयाव एड वेस्टविकजो गावनि इनगेजमेन्टनि खौरांखौ सशेल मिडियाआव फोसावदोमोन। बेबेखानि बिथानोनि जुलिन सोमोन्दै जेबो खौरां मोन्याय जायाखै।

दिने मुलुगनाडैनो बहुमनां मुफुर सान फालिदों

वासिंटन, 23 मार्च: मुलुगना गसैबो हादर फोरार बोसोरफोमबो फालिनाय बायदि बे बोसोरावबो 23 मार्चखालि मुलुग मुफुर सान फालिनाय जायो। बे सानआ मुफुरफोरनि सांग्राथि आरो बाखायनायखौ बांहोनो थाखाय बाउनाय। आगरायाव मुलुगनि बयनिखुइबो देरसिन मुफुर रिसार्भआव फ्राय मा 100 मुफुरफोरा गोजोनै आरो खुसिजों थगासिनो दं। 20 बोसोर सिगां बिसोरनि अर्नजिमाया 500 नि बांसिनमोन होननानै हमनानै लानाय जादों। हाग्राणि जिब रैखाथि आफाद, वाइलडलाइफ एसअएसनि बाउसोमनाय हान्जाया आगरा मुफुर सैरैखाथि मिरुआव फिन थाना थाफिन्याय अलसिया मुफुरफोरखौ अन्नाय आरो जोथोन होनो थाखाय गावनि खामानिखौ सोलिहोबाय थादों। ताज सहरनि सुर सरवर ओन्सोलाव गायसनजानाय, बेयो बुहुमनाडै अलसिया मुफुरफोरनि थाखाय बयनिखुइबो देरसिन रैखाथि आरो फिन फसफिन्याय मिरु। इ 1995 माइथायाव गायसनजानाय वाइलडलाइफ एसअएसआ दावबायारिफोरनि रंजानायनि



थाखाय लामायाव मुफुर फिसिनायनि अनागारि आरो बर्बर हुदाखौ फोजोबनायनि थाखाय मिथिजायो। कलन्दर मुडै मिथिजानाय हरिसाया मैहुर खालामग्राफोरनिफ्राय बायनानै लाइमोन मुफुरफोरखौ खहा खालामोमोन। बेयो मुफुरफोरनि सायाव गिखंथाव अनागारि खालामदोंमोन जेराव बिसोरनि नाजुक स्नाउटफोरखौ मोनसे गुदु लहानि दिन्थिनाय रडजों सुनाय आरो रां आर्जिनो थाखाय दिन्थिफुंनो नारसिननायबो दंमोन। बे हुदाया मानसि नडैल' नडमोन नाथाय हाग्राणि जिब रैखाथि आयेन 1972 नि सिडवबो आयेन बेरेखामोन। थानाय माखासे बोसोरफोराव

वाइलडलाइफ एसअएसआ 628 अलसिया मुफुरफोरखौ बेबादि सोबख 'नायनिफ्राय रैखा खालामदों, जोबथा मुफुरखौ 2009 माइथायाव लामायाव मोनसे नुथायनिफ्राय रैखा खालामनाय जादोंमोन। बे आफादा गसै भारतआव मोनन्रै फिन थाना थाफिन्याय मिरुफोर सालायो जेराव आगरा मुफुर रैखाथि मिरुआ गवनि रोखोमनि बयनिखुइबो देरसिन। आफादनिफ्राय बेनि उनाव बिसोरनो फिथाइ-सामथाइ होनाय जायो आरो मोनाबिलियाव दालि जाहोनाय जायो। गावसोरनि देहा आरो गोसोखौ गोरा लाखिनो थाखाय मुफुरफोरखौ बिसोरनि अरनारि

बेंखनफोराव बायदि रोखोमनि जौगाहोनाय जायो जाय बिसोरनि जिउनि गुनखौ बांहोनो थाखाय मिथिगायारि आखुखौ बांहोयो। एखे समावनो फसंथान, रैखाथि मावथाखिफोरनि सामलायगिरि लानायनि अनगायैबो मुफुरफोरखौ बिसोरनि गसै सावस्त्रि आरो गोहोनि थाखाय मल्टीभिटामिन आरो लिभार टनिकबो होनाय जायो। बेफोर गुवार नाजानायनि गेजेरजों वाइलडलाइफ एसअएसनि थाखिया बेफोर मुफुरफोरखौ सोबख 'नाय आरो दुखु-खस्थनिफ्राय उदां जिउआव नैथि खाबु होनाय।

मस्क 'नि क्रकस सिटी हलआव उतखारि गाग्लोबनायाव सा 70 सुबुंनि जिउ गोमादों

मस्क', 23 मार्च: सिनायमोनै गाग्लोबनाफोरा शुक्र बारनि मोनाबिलियाव रासियानि मस्क' ओन्सोलाव क्रकस 'गसार्क'आव क्रकस सिटी हल (कनसार्ट हल)आव गुलि गावदों। बे उतखारि गाग्लोबनायाव गोबां सुबुंफोरनि जिउ गोमाबाय आरो गोबां सुबुंफोरा जोखोम जादों। खौरांनि बादिब्ला, बे गावलायनायाव सा 70 सुबुंफोरा जिउ गोमादों, जेराव सा 115 निबो बांसिन सुबुंफोरा जोखोम जादों। बे गाग्लोबनाया सा 5 उतखारिफोरजों खालामजादों। गाग्लोबनायनि उननिफ्राय पुलिस आरो गुबुन एजेन्सिफोरा जाथाय जायगानि साखाथियाव दं। बे समावनो रासियानि रौनियफोरनि जुनिय रौनियफोरनि हान्जायाबो क्रकस सिटी हलआव सौहैयो आरो गावलायनाया सोलियो। इ स् ल ि म क स्टेट(आइएसआइएस)आ बे गाग्लोबनायनि बिबान लादों। जायगानि खौरां बिजोंनि बादिब्ला, गुलि गावनाय जागायजेन्नायनि दान्दिसे उनावनो क्रकस सिटी हलआवबो मोनसे बेरफ्रुनाय



जादोंमोन। कनसार्ट हलाव अर खामनाय जाथायनि भिडिअ आरो सावगारिफोरा ससियेल मिडियायाव गोसारलागिसिनो दं। बे गाग्लोबनायनि उनाव रासियानि रैखाथि एजेन्सि एफएसबिआ बुंदोंदि, मस्क' क्रकस सिटी हलआव गावलायनायनि गेजेराव आयेन बाहायग्रा एजेन्सिफोरा गोनांथार राहा लागसिनो दं। लोगोसे बैयाव थाबथानानै थानाय सुबुंफोरखौ रैखा खालामनायनि खामानियाबो सोलिगसिनो दं। मस्क'नि देहा मन्थि बिफाना

बुंदोंदि, 50 नि बांसिन एम्बुलेन्स हान्जाफोरखौ जाथाय जानाय जायगायाव दैथाय हरनाय जादों। क्रकस सिटी हलनि बेसमेन्टनिफ्राय सा 100 नि बांसिन सुबुंफोरखौ रैखा खालामनाय जादों। खौरां एजेन्सि स्पुतनिकनि बादिब्ला, क्रकस हलआव गावलायनायनि गोबां सान सिगां मस्क'आव आमेरिकानि राजथान्दै थाग्रा खुलिआ जाथावना गाग्लोबनायनि बागै गिनाय फोरमायदोंमोन। आमेरिकानि राजथान्दै थाग्रा खुलिआ 7

मार्चखालि गावसोरनि वेबसाइटाव मोनसे बिबुंथि फोसावदोंमोन। मोनसे बिबुंथियाव आमेरिकानि राजथान्दै थाग्रा खुलिआ बुंदोंदि, राजथान्दै थाग्रा खुलिआ फोरमायथिफोरखौ नोजोर होगसिनो दंदि, बियो मस्क'आव देंखो हाबाफारिफोरजों लोगोसे गाहाइ थाखिफोराव गाग्लोबनायनि सानथाखि खालामगसिनो दं। इउएस नोगोरारिफोरा फैगौ 48 घन्टनि थाखाय गोबां सुबुं थुबुर जानायनिफ्राय गोजानाव थानांगौ।

जेएसडब्लिउआ रिलायेन्स पावारनि मावथाखिखौ लासिगोन

गोदान दिल्ली, 23 मार्च: जेएसडब्लिउ एनार्जीनि मोनसे इउनिट जेएसडब्लिउ रिन्युएबल एनार्जीआ 132 कौटि रंआव महाराष्ट्रनि वाशपेटआव रिलायेन्स पावारनि 45 मेगावाटनि बार मोब्लिब गोहो मावथाखिखौ मोनो थाखाय मोनसे गोरोबथायाव सागान होदों। रिलायेन्स पावारआ मोनसे रेगुलेटरि फाइलिंआव बुंदोंदि, जेएसडब्लिउ रिन्युएबल एनार्जी (क'टेड) लिमिटेडआ जेएसडब्लिउ निर्य' एनार्जी लिमिटेडनि मोनसे आबु बिगोमनि लेखय बाहागो। बे बायदियैनो रिलायेन्स पावारआ महाराष्ट्रनि वाशपेटआव गावनि 45 मेगावाटनि बार मोब्लिब गोहो मावथाखिखौ फान्नो थाखाय जेएसडब्लिउ रिन्युएबल एनार्जीजों 132 कौटि रंआव



मोनसे फान्नाय गोरोबथायाव सागान होदों। बे गोरोबथाया 21 मे 2024 माइथायसिमाव आबु जागोन होन्ना सान्नाय जादों। कम्पनीनि सुलुंनि बायदिब्ला, फन्यायनिफ्राय मोन्नाय रांखौ दाहार सुख 'नायाव बाहायनाय जागोन। रिलायेन्स पावारआ बे रांखान्थियारि बोसोरनि जोबनायसिम मोनसे दाहार-गैथै कम्पनी जानो थाखि लादों। 31 मार्च 2023

माइथायसिम रिलायेन्स पावारनि गसै दाहारा 700 कौटिसो रंमोन। रिलायेन्स पावारआ बेंकफोरजों गावनि आद्रा थानाय दाहार खौ सुख 'गसिनो दं। सुलुंनिफ्राय मिथिनाय बायदिब्ला थानाय 3 दानाव बेयो मोनथाम बेंकफोर- डिबिएस बेंक, आइसिआइसिआइ बेंक आरो एक्सिस बेंक जों गावनि दाहार खौ सुख 'बाय।

टिबि बेरामनि मोन 11 भेक्सिन-फोरखौ थाबैनो दिहुन्नो हासिगौ

गोदान दिल्ली, 23 मार्च: टिबि बेरामनि बान्जायजाथाव फाहामथाय थासेयावबो दिनैसिमबो गोबां अन्जिमानि सुबुंफोरा बे बेरामजों जिउ नागारनां गसिनो दड। बिगियानगिरिफोरा मुलिफोरनि उनाव आथिखालाव बेनि हेंथायै भेक्सिननि सायाव नोजोर होदों। बे समाव टिबिनि मोन 11 भेक्सिनफोरनि दिहुन्नाय नैथि एबा थामथि खोलोबआव दड। बेजों बे बेरामजों जुजिनायाव



थाबैनो मुलुगयारि जाफुंसारनाय मोन्नो हागोन। 24 मार्चआव मुलुगयारि टिबि साननि समाव

शुक्रबारखालि मोनसे सुलुडव भेक्सिनखौ लानानै खौरां होदों। हु (डब्लिउ ए इ एस अ) नि

नायबिजिरनाय बादिब्ला, मुलुगनाडै बे समाव 1.8 आरख सुबुंफोरा टिबिजों भुगिनदों। बेयो दिनैबो मुलुगनाडै गुबुन गुबुन बेरामफोरजों गोबां अन्जिमानि थैनायफोरनि गेजेराव मोनसे जाहोन जाबाय। डाटा आरो एलालिटक्स कम्पनी ग्लबेल डाटानि सुलुंनि बादिब्ला, टिबिनि हेंथायै मोन 11 भेक्सिनफोरनि सा.व हाबाफारि सोलिगसिनो दड। बेनि गेजेराव मोनसेआ गेमलेया फेडरल रिसार्च सेन्टर

अफ इपिडिमलजि एन्ड माइक्रबायलजी आरो गुबुन जारागजा इउनिभार्सिटिनि गेजेरजों दिहुन्नाय भेक्सिनआ थामथि खोलोबआव दड। बेखौ क्लिनिकेल ट्रायलनि समाव गोखों गोहो गोनां मोन्नाय जादों। ग्लबेल डाटानि इन्फेक्सियास डिजिज एनालाइस्ट एनाएल टेनेनआ मोनसे बिबुंथियाव बुंदोंदि, गुजुनायजों लोगोसे थै फैनाया बे बोसोरनि गाहाइ लोखोन। नाथाय माखासे सुबुंफोरनाव बे लोखोन गैयाब्लाबो बेरामआ जायो। बे बेरामखौ जागायजेन्नायावनो मिथिनो मोन्ना 6 दाननि मुलिफोरनि कर्सजों इन्फेक्सनखौ होबथानो हायो।

बिजेपिआ मेघालय, मनिपुर, नागालेण्डआव ओन्सोलारि दोलोफोरखौ मदद होगोन

गोदान दिल्ली, 23 मार्च: बिजेपिआ फैगौ लकसभा बिसायख 'थियाव मेघालय, मनिपुर, नागालेण्डआव ओन्सोलारि दोलोफोरखौ मदद होनो थाखाय फोसावदों। दोलोआ मेघालयनि मोननै लकसभा मासिफोराव खुंथायाव थानाय नेसनेल पिपुल्स पार्टि (एनपिपि) आरो मनिपुरनि मोननै संसदीय मासिफोरनि गेजेराव मोनसेआव नागा पिपुल्स फ्रन्ट (एनपिएफ) खौ मदद होगोन। बिजेपिआ नागालेण्डनि मोनसेल' लकसभा मासिआव नागालेण्डनि खुंथायाव थानाय दोलो नेसनेलिस्ट डेमक्रे टिक प्रग्रेसिभ पार्टि (एनडिपिपि) खौ मदद खालामगोन। सा-सान्जा



ओन्सोलनि बिजेपि बिबानगिरि संबित पात्राआ एक्सआव पस्ट खालामदोंदि, फैगौ संसदीय बिसायख 'थियाव बिजेपिआ मेघालयनि मोननै मासिफोर (शिल' आरो तुरा) आव एनपिपि बिजाथिफोरखौ आरो

नागालेण्डआव एनडिपिपिखौ मदद होगोन। राकांपानि अजित गुटआ दासिमाव बे मासिनि थाखाय गावसोरनि बिजाथिखौ फोसावाखौ। बिजेपिनि माहारियारि मन्थि भिनद तावडैआ एक्सआव

पस्ट खालामनानै बेनि खौरां होदों। राकांपा भरद पवार हान्जाजों लोब्बा गोनां महम्मद फेसलआ थानाय लकसभा बिसायख 'थियाव लाक्षाद्वीप मासिनिफ्राय देरहादोंमोन।

25 लाख रंसिमनि गेजेराव बेफोर मोब्लिबारि कारफोरखौ मोनो हायो

गोदान दिल्ली, 23 मार्च: भारतआरि हाथायाव मोब्लिबारि कारफोरनि गोनांथिया बांबोबाय थादों। मोब्लिबारि कारफोरखौ टाटा, महिन्द्रा, एमजी बायदि कम्पनीफोरा अफार खालामो। ब्रिटिश कार बानायग्रा एमजी मटर्सआ भारतआरि हाथायाव मोब्लिबारि एसइउभि महरै जेटएस हेभि कारखौ अभाार खालामो। कम्पनीनि बे एसइउभिआ आबु सार्जआव 461 किल 'मिटर रेन्जनिफ्राय खारनो हायो। बे एसइउभिआ 10 निफ्राय 80 जौखोन्देसिम सार्ज




जानो थाखाय 60 मिनिट सम लायो। बे मोब्लिबारि

इसइउभिआ खालि 8.5 सेकेण्डआवनो लाथिख 'निफ्राय 100 किल 'मिटर गोखैथिसिम खारनो हायो। हाथायाव बे एसइउभिनि एक्स सरमनि बेसेना 18.98 लाख रंनिफ्राय जागायजेनो। एक्सइउभि 400 खो महिन्द्राया मोब्लिबारि एसइउभि महरै अपार खालामो। महिन्द्रा कम्पनीनि गंसेल' हेभिखौ आबुडै सार्ज होखांनयनि उनाव 456 किल 'मिटरसिम सालायनो हायो। बे मोब्लिबारि कार'नि बेसेना 14.49 लाख रंनिफ्राय जागायजेनो। टिगर कारखौ टाटा मटर्सआ मोब्लिबारि सेडान कार

महरै अफार खालामो। बे मोब्लिबारि सेडान कार महरै अफार खालामो। बे मोब्लिबारि सेडान कारखौ आबुडै सार्ज खालामखांनयनि उनाव 315 किल 'मिटरसिम सालायनो हायो। बेनि बेसेना एक्स सरमआव 12.49 लाख रं। टियाग' कारखौ टाटा मटर्सआ मोब्लिबारि कार महरै अफार खालामो। कम्पनीनि बे कारखौ आबुडै सार्ज होखांनयनि उनाव 315 किल 'मिटरसिम सालायनो हायो। हाथायाव बेनि एस्क सरमनि बेसेना 7.99 लाख रं।

सनानि बेसेना गोजौ रेकर्डनिफ्राय 1000 रं बाडाइसिनआव फैगसिनो दं

2024 माइथायाव इउएस फेडरल रिजार्भजों 3 खेब रेटखौ खमायनायनि मिजिजों एमसिएक्स एक्सचेन्जआव सनानि बेसेना थानाय सप्ताहयाव मोनफ्रोम 10 ग्रामआव 66,943 रंसिम गोदान गोजौआव सौहैदोंमोन। बबेखानि थाबैनो मुलाम्फा बुकिंखौ नुनो मोन्नाय जादोंमोन आरो सनानि बेसेना मोनफ्रोम 10 ग्रामआव 1000 रंनि बांसिन खमायदोंमोन। बेनि जाहोनाव शुक्रबारखालि सनानि बेसेना 10 ग्रामआव 65,870 रंसिम गाहायाव फैदों। मुवा-बेसाद हाथाइनि रंग 'साफोरनि बायदिब्ला, मुलाम्फा बुकिनि जाहोनाव सनानि बेसेना गोजौ रेकर्डनिफ्राय गाहायाव फैदों। रंग 'साफोरनि बायदिब्ला, सनाया दासिमबो बांबोगसिनो दं आरो एमसिएक्सआव बेसेना 10 ग्रामआव 67,500 रंसिम बांनो हागौ। बे समावनो गेजेर हायुंआरि हाथायाव सनानि बेसेना आउन्ससेआव



2,230 डलारसिम सौहैनो हागौ। रुपानि बाथा बुडोब्ला, एमसिएक्सआव रुपानि बेसेना किल 'फायाव 78,000 रंसिम थानो हागौ। बे समावनो मुलुगनां हाथायाव सनाया आउन्ससेआव

डलारसिम थानो हागौ। सोलिफु बोसोराव सनाया गोखों जानो हागौ होन्ना सान्नाय जादों। गोबाडैनो नेबाय थानाय इउएस फेड रेट खमायनाया सनानि बेसेनखौ आरोबाव गोखैथि नुनो मोनगोन। मानोना इउएस फेड रेट खमायनायनि ओंथिया जादों रं थिसनगिरिफोरा बाडाइ बेसेननि रं मोनगोन। बेयो बेसेन बांनयखौ बांहोगोन आरो सनाया बेसेन बांनयनि बेरेखायै मोनसे रं थिसन्याय महरै खामानि मावो। शुक्रबारखालि एमसीएक्स एक्सचेन्जआव 5 एप्रिल, 2024 खालि देलिभारिनि थाखाय सनानि वायदाया 0.02 जौखोन्दे एबा 12 रं बांनानै 65,870 रं मोनफ्रोम 10 ग्रामआव जोबदोंमोन। बेजों लोगोसे, 3 मे 2024 खालि देलिभारिनि थाखाय रुपानि बेसेना 0.03 जौखोन्दे एबा 23 रं बांनानै 74,810 रं किल 'ग्रामआव जोबहैदोंमोन।

गुवाहाटीआव आइपिएलनि मोननै मेचआ मे दानआव खुंफुंजागोन

गुवाहाटी, 23 मार्च: इन्डियन प्रिमियर लीग 2024 नि फिभरआ फेगौ दाननैनि थाखाय अन्सायगिरिफोरनि गोसोआव जर'खा जायगा आवग्रिनानै थागोन। बेबादि थासारियावो आसामनि क्रिकेट अन्सायगिरिफोरा बे लीगनि मोननै मेचखौ राइज्योयारि फोथारवोन रंजानाय लानो खाबु मोनगोन। गुवाहाटीआ फेगौ मे दानआव आइपिएल लीगनि मोननै मेचखौ खुंफुंनो थियारिआव फैबाय। 2023 माइथायावबो गुवाहाटीनि बरसापारा स्टेडियामआव राजस्तान रयेलसनि मोननै आइपिएल बादायलायनायखौ जाफुंसारे खुंफुंनो मोन। जेराव बे हान्जाया बे समाव पान्जाब किंस आरो दिल्ली केपिटेलसजों रिपटनि बादिब्ला, राजस्तान



सेलेन्जआव ओंखारदोंमोन। सोलिफु बोसोरावबो गुवाहाटीआ बे हान्जानि जानो गोनां मेचखौ दैदेनगोन। सोलिफु बोसोरनिनो फेगौ मे दाननि थामथि आरो ब्रैथि सप्ताहआव बे मेचआ गुवाहाटीआव खुंजागोन। जेराव पान्जाब किंस आरो दिल्ली केपिटेलसआ राजस्तान रयेलसजों मोगा-मोगिआव ओंखारगोन। रिपटनि बादिब्ला, राजस्तान

गुवाहाटी, 23 मार्च: आसामनि एथलीटफोरा नागालेन्डआव खुंजानाय नर्थ-इस्ट गेम्स 2024 आव गोखोडे दिन्थिफुंजागोनो दड। आसामनि हान्जाया बे गेम्सनि गुबुन गुबुन गेलेमुफोरगव गोबां मेडेल देरहानानै गावसोरनि गोखोंथिखौ फोरमानआव लाबोदों। आसारिआव आसामआ गं 5 सनानि मेडेलजों गासै गं 13 मेडेलफोर देरहाबाय। इन्डियन राउन्ड इन्डिभजुएल के टेगरिआव रितुमनी स्वर्गियारिआ सना आरो राजेश नाज्जिआ ब्रन्ज मेडेल देरहादों। इन्डियन राउन्ड टीम मेन केटेगरिआव सनानि बान्थाखौ अरुन बर', रितुमनी स्वर्गियारि, राजेश नाज्जिआ आरो मनरन्जन् बर'आ देरहादों। कम्पाउन्ड इन्डिभजुएल मेन केटेगरिआव हेमन्त बर'आ सना आरो



अरनभज्यति डेकाआ ब्रन्ज मेडेल देरहानो हादों। कम्पाउन्ड टीम मेननि फारिआव सनानि मेडेलखौ अरनभज्यति डेका, मानव बर्मन, उज्जल बरा आरो हेमन्त बर'आ देरहानो हादों। कम्पाउन्ड मिक्स टीमनि सनानि बान्थाखौ अरनभज्यति डेका आरो माइनाव नाज्जिआ देरहानो हादों। बे समाव इन्डियन राउन्ड मिक्स टीम केटेगरिआव अरुन बर'आरु तुतुमनी बर'आरुफानि मेडेल देरहादों। कम्पाउन्ड इन्डिभजुएल मेन थाखोआव उज्जल कुमार बर'आरुफा आरो अरनभज्यति डेकाआ ब्रन्ज मेडेल देरहादों। कम्पाउन्ड टीमनि आइजोफोर फारियै अन्जली बर', एन्जलिना गौ,

माइनाव नाज्जिआ आरो सैयद निहाद उमरआ लोगोसेयै रूफानि मेडेल देरहानो हादों। इन्डियन राउन्ड इन्डिभजुएल मेननि थाखोआव राजेश नाज्जिआ ब्रन्ज मेडेल आरो इन्डियन राउन्ड इन्डिभजुएल आइजोफोरनि थाखोआव पल्लभी बर'आ ब्रन्ज मेडेल देरहानो हादों। इन्डियन राउन्ड टीम अमेनआव ब्रन्ज मेडेलखौ पल्लभी दास, तुतुमनी बर', बिनामति रूहा आरो पल्लभी बर'आ देरहादों। कम्पाउन्ड इन्डिभजुएल मेननि थाखोआव अरनभज्यति डेकाआ ब्रन्ज मेडेल देरहादों आरो कम्पाउन्ड इन्डिभजुएल थाखोआव माइनाव नाज्जिआ ब्रन्ज मेडेल देरहानो हादों। ट्रेक

एन्ड फिल्डनि बादायनायाव अमरिका नाज्जिआ 5.97 मि: जान्थाय बासनायजों लं जाम्पआव सनानि मेडेल देरहादों। रिम्पी बुरागहाइआ 5.96 मि: बासनायजों रूफानि मेडेल देरहानो हादों। बे समाव प्रबाल कनवारआ लं जाम्प बासनायाव गोहोम गोनाडै दिन्थिफुंजायजों 6.95 मिटरआव सनानि मेडेल देरहादों। बकिंसनि फोथारआवबो आसामनि बक्सारफोर मोजाडै दिन्थिफुंनो। जेराव 45-48 कि:ग्रा: केटेगरिआव सुजुमा बर'आ सनानि मेडेल देरहानो हादों। स्वरस्वति बर'आ 48-50 कि:ग्रा: लिरथायारि केटेगरिआव सनानि मेडेल देरहाना नै

राइज्योनि मेडेल देरहानाय हासखौ बांहोदों। जायनि फारिआव 66-70 कि:ग्रा: लिरथायारि केटेगरिआव फैलाव बसुमतारिआ सिलभार मेडेल देरहानो हादों। हौवाफोरनि 46-48 कि:ग्रा: केटेगरिआव चित्रा राज लिम्बुआ रूफानि मेडेल देरहादों। हौवाफोरनि 48-51 कि:ग्रा: लिरथायारि केटेगरिआव गौरभ मजुमदारआ रूफानि मेडेल देरहानो हादोंमोन। बेडमिन्टनि फोथारआव सान्तिप्रिया हाज्रिकाआ आइजोफोरनि सिंगेल्सआव सनानि मेडेल देरहादों। जेराव हौवाफोरनि जावजायाव निबिर आर चौधुरी आरो संग्राम सुतियाआ सनानि मेडेल देरहानो हायो। टइकन्डनि फोथारावबो आसामनि गेलेगिरिफोरा मोजाडै दिन्थिफुंनो। जायनि फारिआव स्नेहा गुरुं, बुस्ति परासर आरो निर्मान रुपम काश्यपआ गावसोरनि लिरथायारि केटेगरिआव सनानि मेडेल देरहादों। दिबाकर द्वारा आरो बरसा राभाआबो गावसोरनि केटेगरिआव ब्रन्ज मेडेल देरहानो हादों। टेनिसनि फोथारावबो आसामनि आइजोफोरनि सनानि मेडेल देरहानो हादों।

आइपिएलआव मोनसे रेकर्डआ बायनानै फैदों

गोदान दिल्ली, 23 मार्च: टी-20 फर्मेटखौ अन्सायगिरिफोरा बेटिनि स्कीलजों नोजोर लाखियो। थामहिनबा बे फर्मेटखौ गिदिर रान स्करनि थाखाय बेटिं खालामनाय गनायनानै लायो। बे फर्मेटआव बेटसमेनआ जेब्ला बलखौ बाउन्डारि लाइननि बाइजोसिम बारहोहरो अब्ला अन्सायगिरिफोरा गोजोन्नाय मोनो। आइपिएल 2024 नि गिबि मेचआ चेन्नाइ सुपार किंस आरो रयेल सेलेन्जस बैंगलुरुनि गेजेराव जानानै थाडो। बे मेचआव सिएसकेनि हान्जाया आरसिबिखौ 6 उडकेटजों फेजेन्दों। जायनि फारिआव आइपिएलनि मोनसे गिदिर रेकर्डआ बायनानै फैदों। सिएसकेनि हेंथायै मेचआव आरसिबिबि के प्तेन फफ डुप्लेसिसआ टसआव देरहानानै गिबियै बेटिं खालामनो थांथि



लानाया जेन्नायनि फोरमान जादों। बे समाव आरसिबिबि हान्जाया 173 रानल' लानो हादोंमोन। नाथाय बे मेचआव हान्जानिफ्राय रावबो गेलेगिरिआनो हाफ सेन्सुरि एबा बेनि बांसिन रान लानो हायाखै। हान्जानिफ्राय अनुष रावतआ लानाय 48 रानआनो देरसिन स्करि जानानै फैदों। बिथानि अन्गायै डिनेश कार्तिकआ 38

रान लादोंमोन। बिसोर सानै गेलेगिरि अनगायै आरसिबिबिफ्राय रावबो मोजां रान स्कर लानो हायाखै। गुबुन फासै 174 राननि टार्गेटआव ओंखारनाय चेन्नाइनि हान्जाया जागायजेन्नायाव मोजाडै दिन्थिफुंनो हायाखैमोन। मानोना केपेन रितुराज गायकवाडआ 15 रानआवनो पेभिलियनसिम गिदिंफिन्नादों। बेनि उनाव

टीमनिफ्राय रसिन रबिन्ड्र, आजिक्य रहाने, शिभम डुबे आरो रबिन्ड्र जाडेजाआ गिदिर इनिंस गेलेनानै हान्जाखौ 6 उडकेटजों देरहायो। नाथाय चेन्नाइ सुपार किंस सनिफ्राय रावबो गेलेगिरिआनो हाफ सेन्सुरि लानो हायाखै। बे समाव टीमनिफ्राय रसिन रबिन्ड्रआ लानाय 37 रानआनो देरसिन स्करि जानानै फैदों। थामहिनबा मोननैबो हान्जानिफ्राय रावबो गेलेगिरिआनो हाफ सेन्सुरि लानो हायाखै। नाथाय मोननैबो हान्जाया जुथायै गासै 349 रानसिम स्करि खालामदों। जाय बे रानआ हाफ सेन्सुरि लायाजासे आइपिएलनि मेचआव बांसिन रान लानाय थिसनजादों। बेनि सिगां बेरेकर्डआ गुजराट लायन्स आरो राइजिं पुने सुपार जइन्सनि मुडाव दडमोन। जेराव बे हान्जाया 2017 आव खेबसेबा हाफ सेन्सुरि लायाजासे 343 रान लादोंमोन।

सिएसकेनि बलार मुस्ताफिजुरआ जारिमिन सोरजिदों

गोदान दिल्ली, 23 मार्च: आरसिबिबि हेंथायै सोलिफु आइपिएलनि मेचआव सिएसकेनि थाखाय बांलादेशनि मुस्ताफिजुर रहमानआ गोखोडै दिन्थिफुंनो। बिथाडा गावनि गोखों बलिंजों अन्सायगिरिफोरनि गोसोखौ देरहादों। लोगोसे बिथानि दिन्थिफुंजायनि मददजोंनो चेन्नाइ सुपार किंसनि हान्जाया मेचआव देरहादों। बिथानि बलिंआव आरसिबिबि बेटसमेनफोरा दिन्थिफुंनो खाबु मोनाखै। बे समाव बिथाडा गावनि गोखों बलिंजों मोनसे जारिमिन सोरजिदों। आरसिबिबि हान्जाखौ फफ डुप्लेसिसआ मोजाडै दिन्थिफुंनायजों जागायहोदों। मोनसे समसिमआव आरसिबिबि हान्जाया मोनबो उडकेट खोमानाडालासे 41 रान लाबायमोन। नाथाय बेनि उनाव रेहमानआ सिएसकेनि जानानै मोजाडै दिन्थिफुंनो आरो बाथि अभावरआव डुप्लेसिसखौ आउट



खालामो। बेनि उनावनो बिथाडा रजत पातिडारखौ पेभिलियनसिम गिदिंहोफिनो। बेबादि थासारिनि उनावनो बिथाडा फिन 12 थि अभावरआव 2 उडकेट लानो हादों। बे अभावर बिथाडा भिराट कलही आरो केमरुन ग्रीनखौ आउट खालामदों। गावनि गोखों बलिंजोंनो बिथाडा आरसिबिबि टप अर्डीरनि बेटसमेनफोरखौ फिसा रानफोरावनो आउट खालामदों। बे मेचनि समाव मुस्ताफिजुरआ 4 अभावरआव 29

रान होनानै 4 उडकेट लादों। बेजों लोगोसेनो बिथाडा बांलादेशनिफ्राय आइपिएलआव 4 उडकेट हल लानाय गिबि गेलेगिरि जादों। लोगोसे आइपिएलआव बांलादेशनि बलार महैरे साबसिन बलिं स्पेल खालामनाय गेलेगिरिनि फारिआव थिसनजादों। बेनि सिगां बे रेकर्डआ साकिब अल हासेननि मुडाव दडमोन। साकिबआ बै समाव 17 रान होनानै 3 उडकेट लादोंमोन। मुस्ताफिजुर रहमानआ

आइपिएलआव 2016 निफ्रायनो गेलेबोदों। चेन्नाइ सुपार किंसनि थाखाय 5 उडकेट लानायजोंनो बिथाडा आइपिएलआव गावनि 50 उडकेटखौ आबुं खालामदोंमोन। बिथाडा आइपिएलनि खेब 49 मेचफोरावनो 51 उडकेट लाबाय। दासिमाव आइपिएलआव मुस्ताफिजुरआ सानराइजार्स हाइद्राबाद, मुम्बाइ इन्डियान्स, दिल्ली केपिटेलस आरो राजस्तान रयेलसनि जानानै गेलेखांबाय।

शातियानआ जारिमिन सोरजिदों



गोदान दिल्ली, 23 मार्च: भारतनि स्टा र टेबल टेनिस गेलेगिरि शातियान ज्ञानशेखरनआ डब्लिटटिटि फोडार सिरिज दुनामेन्टआव हौवा सिंगेल्सनि बिम्बु देरहानाय गिबि भारतीय गेलेगिरि जानो हाबाय। बिथाडा बे बिम्बुखौ लेबानननि बेरुटआव देरहादों। बिथाडा


डब्लिटटिटि फिडार बेरुट 2024 नि जोबथा सानआव मानव टक्करखौ 3-1 (6-11, 11-7, 11-7, 11-4) स्करआव फेजेन्दों। बेनि सिगां बिथाडा भारतनिनो हरमित देसाइखौ 15-13, 6-11, 11-8, 13-11 स्करआव फेजेन्दोंमोन आरो टप रेंकिनि सुआं सिंह युआनखौ

11-8, 11-13, 11-8, 11-9 स्करआव फेजेन्दोंमोन। आइजोफोरनि सिंगेल्सआव शिया लियान निआ देरहादों। बिथाडा बिम्बुनि मेचआव सुह य वनखौ 11-9, 11-5, 11-5 स्करआव फेजेन्दों। हौवाफोरनि डाबल्सआव भारतनि मानव टक्कर आरो मानुष उत्पलभाइ शाहाआ फाइनालाव एनडि परेरा आरो जर्ज कम्पसजों 11-5, 7-11, 11-13, 12-14 स्करआव जेन्नाडो। मिक्स डाबल्सआव भारतनि दिया चितले आरो मानुष शाहाआ समान थाखोनि बादायारि मानव आरो अर्चना कामतखौ 11-6, 10-12, 11-6, 11-6 स्करआव फेजेन्दों।

श्रीकान्त आरो प्रियान्सआ सुइस अपेन बेडमिन्टननि क्वार्टर फाइनालाव, सिन्धु आरो लक्ष्यआ जेन्नायजों मोगा-मोगि

गोदान दिल्ली, 23 मार्च: खेबनै अलिम्पिक मेडेल देरहानाय पिभि सिन्धुआ जापाननि 17 बोसोरनि जुनियर

वर्ल्ड सेम्पियन तामका मियाजाकीजों सुइस अपेन सुपार 300 बेडमिन्टनआव जेन्नायबाय। बिथानि अन्गायै लक्ष्य सेनआबो



ताइवाननि ली शिया हाअजों प्री क्वार्टर फाइनालाव जेन्नाडो। गुबुन फासै किदाम्बि श्रीकान्त, प्रियान्स राजावत आरो किरन जर्जआ क्वार्टर फाइनालाव सौहैयो। अल इंग्लेण्ड सेम्पियनसिपनि नैथि राउन्डआव जायखारनांनय पिभि सिन्धुआ तामकाजों 21-16, 19-21, 16-21 स्करआव जेन्नादों। लक्ष्य सेनआ हाअजों प्री क्वार्टर फाइनालाव 17-21, 15-21 स्करआव जेन्नाडो। प्री क्वार्टर फाइनालाव श्रीकान्तआ टप रेंकिनि मालएसियानि ली


जियाअखौ 21-16, 21-15 स्करआव फेजेन्दोंमोन। राजावतआ चीननि ली ला शिखौ 21-14, 21-13 स्करआव फेजेन्दों। नाथाय जर्जआ बे समाव बेरेखा बादायारिनिफ्राय गोखों सेलेन्ज मोन्दों। बिथाडा 71 मिनिटसिम सोलिनाय मेचआव 18-21, 22-20, 21-18 स्करआव देरहादों। श्रीकान्तनि बादायनाया क्वार्टर फाइनालाव ली शिया हाअ आरो राजावतआ ताइवाननि चोड टिन चैनजों जागोन। किरनआ डेनमार्कनि रेश्मस

जेमके नि सेलेन्जआव ओंखारगोन। जोखोमनिफ्राय मोजाडाव फैनायनि उनाव गोलाव समनि उनाव बाहागो जाफिन्नाय सिन्धुआ लाइमोन बादायारिनि हेंथायै गावनि फर्मखौ लाखिनायाव फेलें जादों। वर्ल्ड जुनियर सेम्पियनसिप 2022 आव सनानि मेडेल देरहानाय मियाजाकीआ थानाय सप्ताहआव फ्रान्सआव अलिंथान्स मास्टर्सनि बिम्बु देरहादोंमोन। बिथाडा गिबि सेटआव जेन्दोंब्लाबो नैथि सेटआव आवगायफिन्दों आरो थामथि आरो जोबथा सेटआव मोजाडै दिन्थिफुंनानै सिन्धुखौ आन्दायहोदों। बेनि सिगां भारतीय आइजो जरा त्रिचा जली आरो गायत्री गपिचान्दआ समान थाखोनि बादायारि प्रिया आरो श्रुति मिश्राखौ 21-10, 21-12 स्करआव फेजेन्दोंमोन।

मनिपुरआ नर्थ-इस्ट गेम्स 2024 नि ब्रैथि सानआव सिगांसिनआव थादों

इम्फल, 23 मार्च: थामथि नर्थ-इस्ट गेम्स 2024 नि ब्रैथि सानआव राइज्योयारि गेलेगिरिफोरनि गेजेराव गोखों सेलेन्ज लाज्जानायखौ नूनो मोन्दों। जायनि फारिआव मनिपुरनि गेलेगिरिफोरा साबसिनै दिन्थिफुंनायजों मेडेलनि फारिलाइआव जौसिनआव जायगा मोन्दों। गं 32 सना, गं 22 रुफा आरो गं 24 ब्रन्ज मेडेलजों गासै गं 78 मेडेल देरहानानै मनिपुरनि एथलीटफोरा बे इभेन्टआव सिगांसिन जानानै दड। मनिपुरआ मेडेलनि फारिलाइआव जौसिनआव

जायगा मोन्दोंब्लाबो बयनिबो नोजोरआ बे गेम्सनि जोबथा साननि सायाव नोजोर लाखिनानै दड। मानोना नागालेण्डआबो मेडेलनि फारिलाइआव मनिपुरनि हान्जाखौ उनाव लाखिहैनो खाबु मोनगोन। गोखोडै बादायलायनायनि उनाव नागालेण्डआ गं 31 सना, गं 22 रुफा आरो गं 28 ब्रन्ज मेडेलजों गिबिसिनआव जायगा आवग्रिगोननि दाबिथायाव दड। जेराव बे राइज्योनि हान्जाया दासिमाव गं 81 मेडेलफोर देरहाबाय। बेबादि थासारिआव आसामआ गासै गं 94 मेडेलफोर



देरहानानै दड, जायनि फारिआव गं 29 सना, गं 33 रुफा आरो गं 32 ब्रन्ज मेडेलफोर देरहानाया दड। बे गेम्सनि बादायनाया सिगांसिन समनिफ्राय गोखोंसिन सेलेन्जआव फैगासिनो दड। मानोना इभेन्टनि जोबनाय फासै गासैबो हान्जायानो गावसोरनि मेडेलनि हारखौ बांहोनो थाखाय नारा-नाथायै हान्जायानो गावसोरनि गोजोन्नाय दिन्थिफुंनायजों फोजोबनो नाजायो।